



**Tablebirds**  
NO. 1 KAKARUK BILONG YUMI!



Tablebirds  
FARM FRESH  
real fresh chicken!



proudly  
PNG MADE

**BAIM PNG MADE NA KAMAPIM MOA WOK**

# Nupela edukesen karikulum i no redi

**Kolopu Waima i raitim**

Edukesen bilong ol pikinini long kantri bai bagarap gen dispela yia long wanem

**Stended Bes Edukesen (SBE)we i bai senisim Autkam Bes Edukesen (OBE) ino redi yet.**

Gavman i tokaut pinis long las

yia olsem OBE bai go aut na nupela karikulum bai senisim em long dispela yia.

Na gavman i sanapim wanpela Karikulum Tasfos tim long

kamapim wanpela Papua Niugini bes karikulum.

**I go moa long pes 2**

## ELCPNG sinod i kamap gut

**Eric Sinebare i raitim**

Moa long faiv tausen manmeri, pikinini na ol yangpela i bin kamap long bikpela sinod bilong ELCPNG long Karkar ailan.

Dispela sinod kamapim wanpela bikpela bung bilong sios insait long planti ol sinod i save kamap long sampela sios distrik.

Long taim bilong opim sinod olgeta manmeri bilong Papua Niugini na ol pipel bilong Karkar, i witnesim dispela seremoni, wantaim ol singsing pilai, mas, na ol planti gutpela amamas bilong opim dispela bung bilong sios.

Insait long dispela sinod, olgeta save lain manmeri bilong sios i stap long kain kain wok bilong gavman, kampani, praiwet, bisnisman na meri, na planti lain i save luksave long wok bilong God na sios i bin kamap long sinod. Na sinod i tok amamas na luksave long ol wantaim wanem sapot na helpim ol i save givim long sios.

**I go moa long pes 6...**

**Insait: Sek poin long Laloki i no sekim ol polis kar - p5**

**Bikpela Sinod bung long Karkar ailan long Madang- p6**

**PNG bung wantaim Israel long egrikalsa - p21**



## Bikpela Sinod long karkar...

**BIKPELA SIOS BUNG:** Evanjelikal Luteran Sios long PNG (ELC-PNG) nau i holim namba 29 sinod o bikpela sios bung long Karkar Ailan, Madang Provins we ol bikman bilong sios long olgeta hap bilong kantri na sampela long ovasis tu i kam long en. Praim Minista, Peter O'Neill, i bin opim bung. Poto i soim ELC-PNG Bisop Reveren Giegere Wengei welkamim praim minista na kisim em i go insait long ples bilong Sinod opening long Karkar Ailan. *Poto: Eric Sinebare*

**Lukim moa stori long pes 6...**

**Painim CASH MONI bilong yu insait long Botol Oil**

"Painim CASH MONI insait long ol GLOBE na SITA Kukkin Oil Botol"

**Na kamap Wanpela LAKI WINA NAU!**

Sapos yu painim displa ol CASH Moni:

K1000	K500	K100
K1,000	K500	K100
K50	K10	SITA 250ml
K50	K10	Fi SITA 250 ml Botol


**"Insait long lid" bihain yu rausim sil. Go kisim CASH MONI bilong yu long Globe dealer or kolim Globe Hotline 422 3066**

**Hariap!!! Baim ol GLOBE na SITA Kukkin oil bilong yu NAU**

Promosiin bai pinis long 31st December 2013

Tetpa kramas long PNG





**Teksim Wari, Tingting, Painim Pren, Wantok o Pas bilong yu I kam nau.. Digicel namba: 7235 6149**

# Basil tokim gavman long putim mani long PNG Pawa

**Stanley Nondol i raitim**

**DEPUTI Oposisen lida Sam Basil i tok gavman i mas putim mani long PNG Pawa long stretim pawa saplai na givim gutpela sevis long liklik mani long ol pipel bilong kantri.**

Mista Basil i mekim dispela toktok taim em i tok bikpela amamas i go long Sif Eksekutiv Opisa bilong PNG Pawa John Tangit long rausim nupela takis bilong pawa we PNG Pawa i bin apim las wik bihain long ol i kisim tok orait long ICCC.

PNG Pawa las wik i apim takis bilong pawa long 5.9 pesen na

bikpela komplem i kamap long bisnis, na long pablik.

PNG Pawa i bin tokaut olsem em i apim takis long kisim mani long stretim ol olpela masin na baim fual bikos em i no save kisim mani sapot long baset bilong gavman. Na tu prais bilong petrol, oil, ges na kerosin i wok long go antap.

Mista Basil i tok O'Neill gavman i tokaut long bikpela bilien mani long 2014 baset. Ol pipel bilong kantri i noken kisim hevi. Em i tok em i wok bilong gavman long putim mani long stretim pawa na ol pipel i mas kisim gutpela sevis long liklik mani.

Mista Basil i tok ol manmeri

long ruel ples bai kisim taim wantaim liklik mani ol i kisim long salim gaden kaikai bikos prais bilong fuel go antap na ol PMV i save sasim ol pasindia long baim moa na mekim bikpela hevi long laip bilong ol.

Mista Basil i amamas long Minista bilong Pablik Entaprais, Ben Micah long stopim PNG Pawa long noken putim nupela takis bilong 2014 na apim prais bilong baim pawa.

Mista Basil i tok dispela stop i mas go het na gavman i mas putim mani long PNG Pawa long givim gutpela sevis.

Pablik Entaprais Minista, Ben Micah i stopim PNG Pawa long

apim prais bilong Pawa na tok em i no polisi o astingting bilong gavman long apim prais bilong pawa na givim hevi long ol liklik manmeri bilong PNG.

Mista Micah i tok gavman bai givim K10 milien long PNG Pawa long bai stretim wok long ol masin na narapela samting.

Mista Basil i tok gavman i mas wokim planti hairdo pawa long abrusim hevi bilong prais bilong disil, petrol i save go antap.

PNG Pawa i tok long baim planti jenereta tasol Mista Basil i tok dispela bai gat hevi yet long fuel bikos kantri save baim fuel long ovasis na prais i wok long go anatap olgeta yia.

**Dia Wantok Niuspepa**, i nap ol staf wantaim edministresen tok klia olsem wanem olgeta boding mangi i atenim Mainohana Katolic Sekendari skul long Kairuku- Sentrel Provins bai i mas peim K1000 kes bipo long skul stat long namba wan tem. Gavman i givim oda olsem no ken sasim ol moa long K200, sampela ol mangi i nogat dispela kain mani long peim dispela fi. Tenk yu!!  
**09/01/2014**

**Dia Wantok Nius**, mipela manmeri bilong Kagua Erave painim gutpela memba long kisim sevis i kam, nau memba bilong mipela James Lagea putim K100milien long wan wan hap insait long 10-pela yia. Plis Papa God makim gutpela lida long 2017.  
**Alex Peter – Wapi, Sumi - 09/01/2014**

**Dia Wantok Niuspepa**, mi Joe Ken laik painim wanpela poromeri long maritim na stap wantaim mi. Mi gat 32 krismas na mi tisa, sapos yu gat laik ringim mi long 7246 0796.  
**09/01/2014**

**Dia Wantok Niuspepa**, mi Alex Papen bilong Enga na mi painim gal pren bilong mi Pauline bilong Hagen. Mitupela wantaim skul long Salamaua hai skul long Lae 2009, gret 10. Plis Pauline wenem hap yu stap, ringim mi long namba 7230 6990.  
**09/01/2014**

**Dia Wantok Niuspepa**, mi mangi bilong Sentrel. Mi greduet long tisa kolis na bai mi go tis nau. Mi laikim maritim wanpela yangpela wok meri husat i stap insait long Pot Mosbi. Sapos yu gat laik orait yu ringim long namba 7327 7517  
**09/01/2014**

**Dia Wantok Niuspepa**, mi Danny bilong Popondetta, mi gat 26 krismas na mi painim meri long prenim. Yu ken ringim mi long dispela namba 7109 2401. Tenkyu  
**10/01/2014**

## PM bai senisim sampela minista

**Stanley Nondol i raitim**

PRAIM Minista Peter O'Neill i tokaut olsem em bai kamapim sampela senis long ol minista bilong em long dispela yia.

Praim minista i tok em i glasim wok bilong ol minista bihain long em i givim wok long ol long Ogas 2012 na i tok sampela sinis bai kamap.

Mista O'Neill i no tok klia long wanem ol senis em bai mekim long ol minista tasol em i tok em bai lukluk long ol wok ol minista bilong em i mekim namel long 2012 na 2013.

Praim Minista i tok em holim Polis Minista yet na i no givim long polis minista bipo Dixon Duban husait i winim bek sia bilong em long Madana bai-ileksen.

Minista bilong Fainens James Marape i stap ekitng long



**Praim Minista Peter O'Neill**

Edukesen minista bihain long kot i rausim edukesen minista na memba bilong Kairuku Hiri Paru Aihi. Bai ileksen i go het nau long dispela sia.

Praim minista i tok em i bos bilong olgeta minista na em i ken

holim ministry wok sapos em lukim olsem i gat nid long holim o kamapim senis.

Gavman bilong O'Neill Dion i gat moa long 100 memba na olgeta bikpela politikel pati i stap wantaim em. Planti bilong ol sinia memba bilong kolisin pati i stap bek besa na i tsap long namel bens.

Sampela memba i karim nem olsem vais minista na siamen tasol wok bilong ol i no kamap klia na opis bilong ol i stap we tu i no kamap klia.

Mista O'Neill i holim yet polis minista i lukim planti komplem i kamap nemel long Oposise na pablik long em i ken givim long ol memba long kolisin gavman.

Oposisen tu i tok hat olsem Mista O'Neill i holim polis minista i ken mekim hat long wok painim bai kamap long lus bilong K71.8 milien we Oposisen lida Belden

Namah i putim komplem long polis agensim Mista O'Neill na tupela sinia minista.

Long Madang bai ileksen kempen bilong PNC kendidet na nau memba Nixon Duban, Mista O'Neill i tokim ol pipel long Madang olsem em bai holim polis minista inap Mista Duban winim bek sia bilong em em bai kisim bek minista.

Dispela toktok i kamap bikpela na oposisen i tok ol toktok bilong Mista O'Neill i no stret na ol lus kendidet i ken kotim Mista Duban long dispela toktok bilong Praim Miniat long taim bilong kempen bilong Mista Duban.

Oposisen i tok em i no gutpela long tupela PNC memba, Mista Marape na praim minista yet long holim polis na edukesen ministri taim planti gutpela lida long gavman i gat save na redi long mekim wok bilong gavman.

## Nupela edikesen karikulum i no redi

**I kam long pes 1**

Siaman bilong dispela Tasfos Dr Eliakim Apelis i bin tok gavman i no laikim OBE, na em bai go aut. Nupela Papua Niugini bes karikulum bai kamap.

Dr Apelis i tok long dispela taim olsem, ol saveman bilong Papua Niugini yet bai raitim ol karikulum material we ol pipel bilong mipela yet bai save long en.

Tasol now taim i pinis. *Wantok*

painimaut long ol provins olsem ol tisa i no save wanem karikulum ol bai lainim long ol sumatin. Hetmasta bilong wanpela praimer skul long Westen-Hailans laik givim nem bilong em, i tok ol i no kisim wanpela toksave long provinsal edukesen o Nesanel Edukesen long wanem karikulum ol bai yusim.

Em i tok oltisa i gat wan wik bipo ol bai statim wok long narapela wik. "Neks wik em mipela

bai stat go long ol skul bilong mipela. Na narapela wik, em mipela bai statim wok, redim program na ol narapela wok bipo ol sumatin bai stat klas long Februari 3,"em i tok.

Senia tisa, Kennedy Till, bilong Enep Praimeri skul long Sauten Hailans, i tok ol i no kisim sampela skul samting olsem, teks buk bilong ol pikinini, wok buk bilong ol tisa, na ol narapela nupela samting

bilong dispela nupela karikulum.

Em i tok, iluk olsem ol bai go het long yusim Autkam Bes Edukesen long lainim ol sumatin.

Taim dispela ripota i ringim Dipatmen bilong Edukesen, wanpela mausman i tok Seketeri Dr Michael Tapo bai holim wanpela Midia konferens long toktok long dispela long Fraide o neks wik Mande.



## Polis Ripot

**Bipo 2013 i pinis, long Desemba 31, polis i kisim ripot bilong 6-pela bikpela trabel. Ol i bin holim 6-pela man long ol dispela 6-pela trabel.**

**NCD/Sentral:** Faiypela man i makim gan long wanpela man na

kisim kar bilong em long Hodava Hotel, Mosbi. Papa bilong kar, Kuma Aua, i tok ol i makim em long gan na kisim kar bilong em. Dispela kar, grin Hyundai Tucson, resistresen namba ADJ 954, ol i kisim long Trinde Desemba 25, las yia. Ol i ripot long polis tasol polis i no holim wanpela man yet. Wok painimaut i go het.

**NCD/Sentral:** Ol raskol i yusim kopi bilong ki na stilim wanpela kar long wanpela Sevis Stesen long Waigani. Ol i bin kisim wanpela Blu

Honda CRV Stesen Wagon. Rijistresen namba BCW 535. Polis i no holim wanpela man tasol wok painimaut i go het yet.

**NCD/Sentral:** Michael Quo Qiang Chen i ripot olsem tripela man Thomas Karo, krismas bilong 24, bilong Sentral, Tom Tokana, i gat 34 krismas bilong Galp provins na Desmond Kungi Brendan, gat 29 krismas, bilong Morobe provins i givim sek long giaman nem na kisim ol kaikai.

Olgeta dispela sek em i bilong

Nesanel Kapital Distrik Komisen. Ol dispela saspek i stap long Boroko polis stesen rum gat na wetim kot bilong ol.

Dispela trabel i bin kamap long Desemba 18 -27, las yia long Shang Wang Trading Erima, NCD.

**NCD/Sentral:** Long hapas foa long apinun long Badihagwa, Hanuabada, tripela saspek, Koea Omaka, Toru Herevana na Jeffrey Barnabas i holim hombru na ol i dring wantaim.

Ol polis i holim ol na ol lokim ol

long Boroko polis stesen rumgat na wetim kot.

**Madang:** Long Trinde Januəri 1, 2014, namel long 2 klok na 3 klok morning, Kris Poku, krismas bilong em 41, bilong ples Waulingi, Aitape, Saundaun provins i dai stap namel long Labels Sekenen Han klos stua na Wama Ges Haus arere long rot.

Ol i karim bodi bilong man i go long Modilon Haus sik. Ol i bin ripot long polis na ol polis i mekim wok painim yet.



# NGO i laikim gavman kontrolim bia

**Stanley Nondol i raitim**

**GAVMAN i mas apim prais bilong bia wankain olsem em i apim bet mani bilong poka masin long mekim ol manmeri i pret long dring**

Seketeri bilong wanpela NGO grup Melanesian Solideriti (MELSOL), Russel Mome i givim salens long gavman bihain long planti hap long kantri i selebretim krismas na niu yia wantaim bia.

Mista Mome i tok planti lo na oda hevi i save kamap taim ol pipel i dring bia na kamapim kaikain trabel. Em i tok gutpela rot long planti manmeri i stop long dring bia em taim prais bilong bia i go antap.

Mista Mome i tok gavman i apim bet mani bilong poka masin na planti manmeri i no go pilai olsem bipo. Em i tok gavman i mas apim prais bilong bia tu.

Mista Mome i tok gavman i lus tingting na i no putim nupela takis long bia, na

smok long 2014 baset. Tasol planti hevi bilong lo na oda i kamap wantaim ol lain i dring bia.

Polis ripot i tok 2014 niu yia i kamap gut na i nogat bikpela trabel long olgeta hap long kantri. Tasol ripot tu i tok planti hap long kantri i lukim ol manmeri na pikinini i amamasim Krismas na Niu Yia wantaim bia.

Wanpela tok piksa Mista Mome i tok em; paris bilong bia long setelmen em K4 na K5. Ol manmeri na pikinini, planti bilong ol em skul pikinini i baim maski ol i no gat bikpela mani, ol i no save wari long tumora.

Mista Mome tu i tok NCDC i no gat gutpela bia lo long siti. Planti ol taka bokis long setelmen i salim bia olsem ol kago nating. Dispela i kamap yet tasol ol NCDC i no save kam sekim na mekim save long husat i nogat laisens long salim bia.

Mista Mome i salensim tu NCDC Lika Laisens Komiti

long apim pe bilong kisim bia laisens na givim laisens long bisnis haus i gat bikpela mani olsem mak bilong K500,000 na go antap.

Em i tok planti taka bokis i salim liklik bia long olgeta setelmen na planti i baim long liklik mani na dispela pasin i go bagarap olgeta.



Olgeta yut bilong ELC-Karkar distrik, i amamas tru na soim bilip na pasin long ranim dispela sinod, wantaim lukautim na mekim ol kain kain musik na amamas, (piksa yu lukim em mangi putim aiglas em i yau pas mangi, tasol em i gat save long singsing na givim biknem i go long God na presim nem bilong God na amamasim ol deleget)

## Basil tok PNG no nidim nupela yunivesiti

**Kolopu Waima i raitim**

DEPUTI oposisen lida, Sam Basil, i tok Papua Niugini i no nidim nupela yunivesiti long dispela taim.

Mista Basil, husat i memba bilong Buloloi mekim toktok long wanpela nupela yunivesiti gavman i tok orait long kamapim longlalibu, Sauten Hailans provins.

Mista basil i tok gavman i bin putim givim K80 milen long wokim dispela yunivesiti na dispela em bikepala mani inap long yusim long ol narapela yunivesiti i stap insait long kantri.

Em i tok, long putim long nupela yunivesiti, gavman i ken putim long olpela yunivesiti longkamapim nupela bilding, na mekim moa spes we ol sumatin i ken go skul.

Em i tok, Yunivesiti ov Papua Niugini, i painim taim long mani long ranim skul dispela yia wantaim dinau baset bilong en moa long K80 milien.

Yunivesiti bai yusim ol mani gavman i givim long las baset long bekim ol dinau na yunivesiti bai nidim moa mani yet.

Em tok moa olsem Yunivesiti ov Gorokai no bin kisim planti mani long las baset bilong nesanel gavman. Ol sot long haus bilong ol tisa, no gat gutpela intanet long rises na tis, sot long ol

opis samting na spes bilong ol tisa, na nupela faivstaslip haus (domatori) bilong ol sumatin tu i no pinis na gavman i mas luksave long dispela,

Ol narapela yunivesiti olsem Papua Niugini Yunivesiti ov Teknologi, Divine Wod Yunivesiti, Yunivesiti ov Natural Risos na Envairomen na Pasifik Edventis Yunivesiti (PAU) i nidim mani tu.

Mista Basil i singaut long gavman long no ken wokim dispela nupela yunivesiti. Givim mani go long ol yunivesiti nau mipela gat long en. Na ol i ken kisim moa sumatin, stretim ol ples we ol bai skulim ol sumatin na ol pikinini i ken wok gut na resis wantaim ol ausait yunivesiti.

Mista Bail i tok, sapos nupela yunivesiti bai kamap long Hailans, gavman mas mekim wanpela rait disisen na putim long namel we olgeta pipel bai yusim. Emi ken putim long Westen Hailans, Jiwaka o Simbu bikos, dispela em ol provins i stap namel.

Em i tok, dispela yunivesiti bai stap longlalibuPangiailektoret bilong Praim Minista, olsem na em bai kisim bikpela taim bihain long wanem em i wok bilong politik na i no kam long laik bilong edukesen.

**BACK TO SCHOOL?**

- PROJECT FEES
- BOARDING FEES
- TRANSPORT
- AIR FARES
- STATIONERY
- TEXT BOOKS
- COMPUTER
- NEW UNIFORMS

Fast Loan Approval  
Flexible Repayment Terms  
Competitive Interest Rate

**TIME TO THINK ABOUT A BSP PERSONAL LOAN**

Apply now at your nearest branch  
320 1212 / 7030 1212 - 24/7  
servicebsp@bsp.com.pg  
www.bsp.com.pg

**BSP**  
Official Sponsor of the 2015 Pacific Games

# Gavman na Oposisen sutim tok long midia

## Stanley Nondol i raitim

**GAVMAN na Oposisen i wok long sutim tok long midia long kantri long ol ripot bilong bikpela korapsen stori. Tupela wantaim i laikim midia bai ranim stori long we tupela i laikim tasol midia long kantri i gat fridom aninit long lo.**

Gavman tok long kotim Post Courier taim em iputim fran pes stori long Janeuri 7 long ol polis bai arestim Praim Minista Peter O'Neill na Minista bilong Tresari Don Polye na Minista bilong Fainens James Marape long lus bilong K71.8 milien kina long fainens dipatmen.

Taim Oposisen lida Belden

Namah i tokaut long midia konprens long Mande Janeuri 6 olsem polis i wok long komplem bilong em agensim Mista O'Neill, Marape na Polye, wanpela tok-save i kamut long gavman i go long olgeta midia kampani long putim stori. Tasol sampela midia i go het na putim stori.

Oposisen Lida Belden i bin komplem tu olsem midia long kantri save pret long gavman na i no ranim ol bikpela korap stori long pablik bai luksave.

Mista Namah i tok planti taim em i save tokaut long bikpela stori bilong korapsen tasol midia i no save ranim bikos ol i pret long gavman bai mekim save long ol.

Long dispela wik loya makim

gavman i askim kot long midia i noken ranim stori long hevi bilong bilong ol polis bai arestim O'Neill, Polye na Marape long K71 milien inap long kot i pinis.

Tasol Jas Catherine Davani i no bin givim kot oda long midia long noken ranim. Tasol em i givim sampela strongpela tok-save long midia mas lukaut gut long sampela strongpela stori we stap long kot.

Long wankain taim Minista bilong Tresari Don Polye i singaut long midia long ranim balens na investigetiv stori olgeta taim.

Mista Polye i tok PNG i gat fridom long ripot aninit tasol i mas mekim balens ripot.

Em i tok planti taim midia long

PNG i no mekim balens ripot.

Mista Polye i tok em i no sainim wanpela pas long givim tok orait long Paul Paraka loya long kisim mani long Fainens dipatmen. Em i tok midia i no bin askim em long balensim stori na bin go het long na ripot long stori

Dispela taim i lukim midia i kisim planti pret toktok long ol bikman long ol bai kotim ol na save pretim ol, tasol midia kaunsil i no mekim sampela

toktok long strongim wok bilong midia long kantri.

Midia i gat rait long ripot fri long ol liklik manmeri na pablik long luksave long wanem samting i kamap long politiks, bisnis na gavman.

Sapos gavman i kamapim sampela lo long kontrolim midia bai ol pipel i no inap save long wanem samting i kamap.

Planti lida i ken hait long pasin korapsen sapos midia i nogat fridom long ripot.

## MSG Minista i go long Indonesia

Melanesia Spiahet Grup (MSG) Foren Afeas Minista na ol lain bilong Front de Liberation Nationale Kanak et Soci-aiste (FLNKS) makim Nu Kaledonia, i bung wantaim Minista bilong Foren Afeas bilong Republik bilong Indonesia, Marty Natalegawa in Jakarta.

MSG Minista Misin i go lukluk raun long Indonesia long mekim wok painimaut long ol toktok bilong Indonesia na Wes Papua na Papua Provins long lukluk long eplikesen bilong wanpela politik grup 'Wes Papua Nesenel Koalisen for Liberation' (WPNCL) long kamap memba bilong MSG.

Man i go pas long Deligesen em Ratu Inoke Kubuabola, Minista bilong Foren Afeas na Intenesnel Kopresen bilong Fiji na Rim-

bink Pato, Minista bilong Foren Afeas na Imaigresen long Papua Niugini, Soalaoi Clay Forau, Minista bilong Foren Afeas na Ekstenel Tred bilong Solomon Ailan, na man i makim ol FLNKS bilong Nu Kaledonia, Yvon Faua.

Wanpela memba bilong MSG, Vanuatu tasol i no gat man i makim ol long dispela MSG deligesen. Mauseman bilong Misin, Minista Pato i tok, ol memba i rispekim tingting bilong Vanuatu long i no stap wantaim ol long mekim dispela wokabout long luksave long aplikesen bilong ol WPNCL, na Misin bai givim stori long Gavman bilong Vanuatu na ol Lida bilong MSG long wanem samting bai kamap long taim ol i go raun insait long ol provins bilong Indonesia wantaim spirit bilong

sanap wantaim na wanbel olsem MSG.

Minista Misin bai go lukim olsampela projek na ol ogenaisesen long kisim sampela save long ol sosio-ekonomik developmen wok i save kamap insait long Indonesia.

Wantaim dispela, ol i gat tingting long kamapim ol wanbel pasin long ol sampela wok i wankain wantaim ol MSG kantri na long bungim ol pipel bilong Indonesia wantaim ol pipel bilong ol MSG kantri.

MSG Minista Misin i go long dispela wokabout lukluk raun, bihainim singaut bilong Indonesia husat i stap yet olsem obseva tasol insait long grup.

Ol tim i go lukluk raun long ol Wes Papua na Papua Provins long Mande 12 Januəri.

## Nupela Jenerel Sekreteri bilong Yunaited Sios

### Veronica Hatutasi i raitim

YUNAITET Sios (UC) Asembli long PNG i gat nupela Jenerel Sekreteri.

Unuvenoma Rova i kamap namba wan leimna (I no wanpela pasto o minista) long holim dispela wok stat yet long taim UC i kamap wanpela sios em yet, bihain olgeta ovasis misinari na ol pasto i



Unuvenoma Rova

lusim kantri. Em bin namba wan

divelopmen seketeri tu bilong Yunaitet Sios.

Mista Rova i no nupela man long UC, nogat. Em i kamap strongpela sios memba long 40 krismas.

Sampela ol wok we Mista Rova bai mekim taim em i holim dispela wok em long; Strongim wok pren namel long UC na ol arapela sios long PNG, moa yet ol 7-pela sios i stap insait long Sios Patnasip Pro-

grem (CPP), em na modereta bai makim sios long ol CPP bung na wok wantaim Sios Developmen Kaunsel ol i sanapim long makim maus bilong ol CPP memba.

Mista Rova i tok em i luksave long sapot bilong ol bisop na ol Asosiesen Edministretiv Kaunsel (AAC) ol i bin givim long Novemba bung long Tari, Sauten Hailans Provins.



## Registration is OPEN for JANUARY INTAKE

**Hurry & Apply Secure your space now**

**Attention: Grade 10 , 12 and Working class "your chance of a better future"**

Certificate Courses

- Certificate in Computing \*
- Certificate in Accounting \*
- Certificate in HR Management
- Certificate in Business
- Certificate in Sales

**\*Courses are offered in Kimbe**

Students who complete ITI Diploma are eligible to obtain Credits into Business & Information Technology Degree offered by University of Southern Queensland ( USQ ) Australia

Diploma Courses

- Diploma in Accounting
- Advanced Diploma in Accounting
- Diploma in Management
- Diploma in Marketing
- Diploma in Information Systems
- Diploma in Internet Technology
- Diploma in Networking
- Diploma in HR Management
- Diploma in Information Technology \*



ITI Training offers courses that are effective and reliable. It has enhanced me with the necessary skills and knowledge to achieve my goals and objectives as a full time employer. I undertook my Diploma in Information System in 2013 via night classes and graduated in November 29<sup>th</sup> 2013. I would say the quality of knowledge I gained has equipped me well to handle any challenging situation with confidence that may come my way via my field of experience. It is better to Choose ITI as your 1 choice for better education that will prepare you for work force

**ITI is now recognised as a provisional Higher Education provider**

Night classes are also available for working class with affordable transport fee!

**For more info: contact the marketing team**

POM  
PH: 320 2800  
Fax: 320 0513  
enquires@iti.ac.pg

Lae  
PH: 472 2790  
Fax: 472 0199  
enquires.lae@iti.ac.pg

ITI WNB DISTANCE CENTER  
PH: 983 4922/ fax: 983 5873  
Mb: 7242 3291/7379 0159  
enquires.kimbe@iti.ac.pg




## ITI kisim 1200 aplikesen long 2014 na kamap bikpela

### Aksie Akibiang i raitim

Intanesel Trening Institut (ITI) i kisim moa long 1200 aplikesen i kam long ol sumatin husat i laik stadi long ol koles bilong ITI insait long kantri long dispela yia 2014.

Planti bilong ol dispela sumatin em ol i bin pinisim gret 12 long ol sekenderi skul tasol i no gat spes long ol Koles na ol Yunivasiti insait long kantri.

ITI i save givim trening long ol sumatin long ol Setifiket na Diploma kos long Bisnis na Komputa. Ol i givim tu trening long Edvens Akaunting we ol i bung wantaim ol sampela biknem skul na yunivesiti long kantri na ovasis.

Long bihainim het tok bilong ol long kamapin kwaliti skul we bai isi long ol sumatin i ken baim na go skul, ITI i gat ol skul bilong em long Pot Mosbi, Lae, Kimbe na Kokopo. Ol i lukluk long kirapim sampela moa skul long ol narapela rijon bilong kantri.

Bihain long 13 yia ITI i gat ol gutpela skul klasrum, bikpela spes long stap na stadi, laiberi, komputa leb na

plantu moa sapot samting bilong givim kwaliti save long ol sumatin.

Plantu ol nupela divelpmen i wok long kamap nau long ol skul bilong ol.

Ol i wok bung wantaim ol memba bilong palamen long ol sumatin long ol distrik i ken kam stret na stadi na ol memba i baim skul bilong ol.

Wanpela bikpela samting ITI nau wok long em na amamas long tokaut tu em olsem, Opis bilong Haia Edukesen na Gavman i luksave olsem em bai wanpela praivet haia edukesen institut.

Na tu, long wankain taim ol i wok long nupela digri kos long Basela ov Binis Edministresen (BBA) we ol bai lonsim nau long Pot Mosbi.

Lukim *Wantok Niuspepa* bilong neks wik wantaim moa stori bilong dispela nupela digri kos.

I gat planti ol arapela eria we ITI wok strong long en em long distens edukesen, sot kos na kopret trening bilong ol wokman na kampani.

ITI i sapotim spots long kantri tu long sponsasip em i wokim long ol pilai olsem kriket na volibol.



# UPNG rausim 486 sumatin

## Kolopu Waima i raitim

FOA handet eiti siks sumatin husat i save skul long Yunivesiti bilong Papua Niugini (UPNG) bai no inap kam bek long skul long dispela yia.

Planti bilong ol sumatin em long Skul ov Neturalna Fisikel Saiens (SNPS) we ol i rausim 231 sumatin. Skul ov Bisins (SBA). Skul ov Lo (SOL) na Skul ov Humaniti na Sosol Saiens (SHSS).

Aninit em namba lis wanwan skul i lusim long dispela yia, 2015 na 2016.

- Skul ov Neturalna Fisikel Saiens (SNPS) 321 sumatin,
- Skul ov Bisins (SBA) 90 sumatin,
- Skul ov Lo (SOL), 89 sumatin,
- Skul ov Humaniti na Sosol Saiens (SHSS), 76sumatin,

## Sumatin na mama papa i sapatim Mona

### Isaac Liri i raitim

LONG wik i go pinis, Mema bilong Goilala, Daniel Mona, i bin kisim sampela nogut toktok i kam long fesbuk.

Ol dispela nogut toktok long fesbuk i tok olsem polisi bilong Daniel Mona long givim fri edukesen long ol sumatin bilong Goilala i no gutpela, long wanem, em i no helpim ol pipel bilong em long ples.

Atu Touai, wanpela sapota bilong Mista Mona, i tok olsem dispela ol toktok i bin kam long ol arapela lida husat i no gat nem.

Mista Touai i tok ol pipel bilong Goilala i amamas long wanem samting Mista Mona i mekim. Em i tok fri edukesen em i impoten long wanem, em bai divelopim ol pipel bilong Goilala, na ol pipel bai bringim gutpela divelopmen long Goilala long taim bihain.

Long tingting bilong ol Goilala sumatin husat i benefit long dispela fri edukesen polisi bilong Mona, ol i no wanbel long ol dispela nogut toktok.

Ol sumatin i tok, ol i laikim wok Mista Mona i mekim, long wanem, bipo ol i save lukim planti ol wokman meri bilong ol arapela ples long Papua Niugini i kam wok long ples bilong ol long wanem ol no bin gat planti saveman na meri.

Long nau, ol sumatin i lukim planti senis i kamap long edukesen bilong ol pipel bilong Goilala, na ol i amamas tru long dispela.

Ol papamama bilong ol Goilala tu i no wanbel long ol dispela toktok long fesbuk. Ol i tok fri edukesen polisi em i helpim ol. Planti bilong ol papamama i save stap long ples, na ol i no gat bikpela mani long baim skul fi bilong ol pikinini husat i stap long ol bikpela skul olsem yunivesiti.

“Mema bilong mipela i mekim gutpela samting long ol pikinini bilong mipela, na tu, bilong Goilala, na ol dispela rabis toktok mas i stop,” wanpela papa i tok.

## nus

### Ol Sumatin sekim nem

Taim i sot pinis na ol sumatin bai go bek long skul. Na husat nem bilong em i kam aut long ol niuspepa o ol i kisim pas long yunivesiti, tisa koles, skul ov neseing, teknikel koles, ol narapela koles i stap insait long dispela kantrii amamas. Sampela ol papamama save kilimpik ol kukimkakaruk long givim las gutbai toktok.

Tasol sampela gret 12 sumatin na sampela sumatini stap bipo long skul olsem yunivesiti o koles tasol nem bilong oli no kamaut long niuspepa, i kisim bikpela wari stret. Ol bai lukim ol wan skul bilong amamas baim ol skulsamting na em bai les stret long lukim ol.

Long dispela piksa bilong Niky Bernard, i soim ol sumatin i go sekim sapos nem bilong ol i kam autlong Niuspepa.

Ol dispela pikinini, Wantoki bilip olsem ol i bilongYunivesitina gret 12 sumatin. Ol i sekim nem bilong ol long Opis ov Haia Edukesen long Waigani.

- Kolopu Waima i raitim



Ol yangpela sumatin sekim nem bilong ol long lista sapos ol gat nem long bikpela instituit. Foto: Nicky Bernard

# Sek poin long Laloki i no sekim ol polis kar

## Stanely Nondol i raitim

OL polisman na NCDC wokman husat i sekim olgeta kar i kam aut long Laloki long kisim bua i kam long siti i no save sekim polis kar.

Ol lain i saev salim buai long siti i kisim taim na painim rot long kisim buai i kam insait long siti na hait na salim na mekim kwik mani.

Sampela buai sela i tok ol i baim buai long ol polisman. Wanpela man i tok em gat mobail namba bilong polis na tai mol i kisim buai bek kam aut long Laloki i save ringim em na em i save go baim long ol polisman.

NCDC gavana Powes Pakop i no laikim dispela kain korap pasin bai kamap na em i tok long sekap long long olgeta kar wantaim tu polis kar tasol dispela l no kamap long sek poin.

Long taim Wantok Nius i go raun long Laloki em i lukim ol polis na wokman bilong NCDC long sek poin i no sekim ol polis kar.

NCDC gavana Powes Pakop i pasim olgeta buai maket long Mosbi siti na tok nogat long buai bai kam insait long siti bikos buai i bin bagarapium siti long planti yia na NCDC i save yusim bikpela milien kina long stopim tasol ol manmeri i biket yet.

NCDC i pasim maket long Januari 8 tasol taim yu go raun na lukim ol buai sela i wok long hait na salim sampela buai yet na ol manmeri i baim na kaikai.

Polis Bos Andy Bawa

i tok polis na NCDC wokman i mas sekim gut ol polis kar tasol dispela toktok bilong em i no kamap, ol i no sekim ol polis kar wantaim kar bilong PNGDF.

I gat ripot pinis olsem ol PNGDF i bin kisim buai bek i kam insait na polis i ripot long

bos bilong ol dispela soldia.

Sampela de bihain long Januari 8, buai bin sot stret long siti tasol nau buai i wok long kam isi isi na lukim planti hap long siti ol i salim buai.

Prais bilong bua tu i i go antap. Husat i painim sampela

rot long kisim buai kam insait long siti i salim long bikpela prais. Wanpela ol i salim long K4, K3 na K2.

Planti buai sela i wok long painim rot na ol i kisim buai i kam yet.



## PNG POWER Ltd

## PRES STETMEN

# PNG PAWA BAI I NO APIM PRAIS BILONG PAWA

Mi, John Tangit, Sif Eksekutiv Opisa bilong PNG Pawa Limited i laik tok sori tru na toksave long ol kastoma bilong mipela (wanwan man, bisnis na indastri na gavman) long ol toktok i kamap long niuspepa long mak bilong pawa bai i go antap em i no stret.

Stat long 11 Januari 2014, Minista bilong Pablik Entaprais Hon. Ben Micah i givim tokaut long PNG Pawa Limited long i no ken apim prais bilong pawa olsem ICCC i bin tok orait long em long namba wan kwota bilong 2014. Gavman i gat strongpela tingting long prais bilong pawa bai i no ken go antap na em bilong helpim ol famili long Papua Niugini i sevim sampela mani.

Praim Minista Hon. Peter O'Neill na Pablik Entaprais na Stet invesmen Minista, Hon Ben Micah i tok promis olsem Gavman bai givim sapat long PNG Pawa wantaim K10 milien long wokim mentenens na stretim ol olupela ensin bilong pawa, na ol pawa lain wantaim ol samting i save karim pawa. Dispela mani em i winim mak bilong mani PNG Pawa bai kisim sapos mipela i apim prais bilong pawa saplai.

PNG Pawa nau i karim planti hevi bilong bipo na nau ol nupela bod na menesmen i wok long kamapim ol strateji plen long stretim. Ol hevi bilong pawa long bipo na ol nupela salens na hevi mipela bungim nau em mipela i laik stretim long kamapim gutpela pawa saplai bilong ol pipel, ol bisnis na indastri long helpim ikonomi bilong Papua Niugini long bihain taim, na dispela gutpela sapat i kam long Gavman bai i strongim ol wok bilong PNG Pawa nau i stap pinis.

Mi laik tok hia gen olsem PNG Pawa Limited bai i no inap apim prais bilong pawa saplai. Mi laik tok Hepi na gutpela 2014 yia wantaim gutpela kaikai.

**John Tangit**  
Chief Executive Officer



# Sinod i luksave long ol lida

Evanjelikal Lutheran Sios bilong Papua Niugini (ELCPNG) i givim wanpela gutpela luksave tok tenkyu i go long olgeta savelain sios lida husat i mekim wok insait long laip bilong ol em God i givim ol long mekim.

Bisop bilong ELCPNG, Giegere Wenge i tokaut long sios i mas tok tenkyu long ol dispela save manmeri na olpela sios lida.

Em i tok i tru ol i stap olsem Lutheran na wok olsem long wei bilong ol tasol, bikpela taim na save wantaim helpim ol i save givim long sios, long kongrigesen, seket, peris na distrik.

Bisop i tok, tru ol i gat wok long mekim wok bilong kirapim kantri na long strongim kampani

na ogenaisesen bilong ol, tasol ol i save givim bikpela save, taim, na risos nating i go long sios na strongim wok misin i go yet.

Sinod i luksave long ol sios lida bilong bipo insait sios, long distrik level na long nesanel sios. Sinod i tok amamas na tok tenkyu na luksave olsem, ol i mekim wok lida insait long sios na pinisim taim bilong ol long wok, tasol, ol i no lusim olgeta o lusim na mekim arapela wok, nogat.

Ol i skruim na sapotim ol arapela husat i kisim ples bilong ol, long wok insait long kongrigesen, seket na tu long nesanel level.

Em tok God i luksave long ol na i was long ol na tru dispela sios i stap

bilong kirapim gutpela wok bilong sios.

Sinod i tok welkam long olpela asisten bisop Rev. Ray Rosavec.

Em i bin kisim dispela wok long Karkar sinod long 1982, olsem namba tu bisop na nau em i kam bek long dispela sinod.

Wankain luksave i go long olgeta distrik presiden na bisop bilong ol distrik.

Ol i kisim luksave long sinod na i kamapim gutpela piksa i soim olsem, sios i no dai, em i stap laip na bai i go yet.

Wankain tu, ol i luksave long ol nupela na olpela nesanel opis kodineta, na ol sios institusen, olsem olgeta skul na divelopment program bilong sios.



Olpela distrik presiden na bisop Katec distrik presiden, Madang distrik Presdien, Simbu distrik presiden, olpela asisten bisop – ELCPNG, Emanuel distrik presiden i stap klostu long en.

Ol sios kaunsil memba bilong ELCPNG bilong nau na nupela lain. Piksa long namba tri lain em Misis Bomocek Ambane bilong Jiwaka Distrik sios i makim em olsem sios kaunsil makim maus bilong ol meri.



# Praim Minista tok amamas long sios na gavman i wok bung

Praim Minista Peter O'Neill i bin kamap long Karkar Ailan long stap insait long bikpela Sinod bilong Lutheran Sios wantaim ol deleget bilong 16 distrik.

Dispela em i wanpela bikpela samting tru long ailan na ol sios memba husat i bin kamap long dispela bung.

Praim Minista i tok amamas long wok bilong Lutheran Sios long kantri na em i tok i luk olsem ol sios i kamapim moa wok na bringim sevis i go long ol pipel.

Em i tokim ol pipel olsem em tu i wanpela Lutheran na em wantaim ol narapela Lutheran memba bilong Palamen i sanap wantaim long sapotim wok bilong sios.

Tasol em i tok sios tu i mas sanap long wok ministri bilong tok

bilong God i go long ol pipel

Long wankain taim Mista O'Neill i tok sapos sios na gavman i wok wantaim bai gavman i kam long sapotim sios long bringim gutpela sevis na divelopmen i go long ol ples.

Praim Minista i tok gavman bilong em bai lukluk long sapotim disabel na ol lapun long mani bilong lukautim ol, na gavman bai sapotim Ministri bilong Pasta na Evanjelis.

Siaman bilong sinod, Bernard Kaisom i tok amamas long Praim Minista na ol memba bilong palamen long luksave bilong ol long wok bilong sios.

Em i tok tenkyu tu, long Spika Zurenouc husat bai kam bek long sapotim ol deleget biong em long kisim sinod.



Praim Minista i sekhan wantaim siaman bilong sinod, Bernard Kaisom wantaim Karkar distrik presiden Masul Bagel long taim bilong opim sinod long Sande. Foto: Paulus Tali

# ELCPNG sinod i kamap gut

I kam long pes 1

Spesel visita bilong dispela sinod i kam long Australia Lutheran sios, Bisop Dr. John Endesen na meri bilong em, Amerika Lutheran sios hetman.

Ol wanlain hap graun bilong yumi long Wes Papua tu i kamap long dispela bung long luksave na wanbel na kamapim wok bung namel long ol na sios bilong ELCPNG. Olgeta 17 distrik bilong sios insait long kantri olgeta i kamap wantaim bikpela namba tru.

Het tok bilong dispela sinot "Givim mipela dispela kaikai bilong dei: Math. 6:11. PastoYasamAiwaru i go pas long givim baibel stadi long sinod. Bisop bilong Auatrlia

Lutheran sios Dr. John Endesen I autim tok bilong God, wantaim pasin bilong wok wantaim na strongim wok bilong sios na bihainim tingting na wok bilong God.

Dispela sinod bai lukluk na toktok moa long sampela wok we sios i lukim i gat hevi bilong ron bilong sios, luksave na strongim ol wok bung wantaim namel long gavman na sios long ol kain gain sevis na divelopmen insait long kantri na ol program bilong sios.

Sampela wok program bilong sios i ran gut long en, we bung bai strongim na skruim i go moa yet, na tu, ol wok misin i aut long arapela kantri na wok bung. Ol sampela tokpait we i

kamap na dispela sinod nau laik luksave long mama lo bilong sios na sampela stia-tok we sinod i ken glasim na stretim gut long ron bilong sios.

Ol lain i go pas long lukautim dispela sinod em ol Karkar Distrik i amamas tru long dispela sinod i kam bek long distrik inap longpela taim, we Karkar i holim long 1983 na nau long 2014 i kam bek gen.

Ol i tok dispela sinod i kamap em mipela olgeta Kristen manmeri bilong Karkar i wanbel na amamas long lukautim na mekim dispela sinod i kamap gut na bai pinis long taim bilong em, we dispela sinod bai pinis long Fraide.



Ol deleget na ol sios na gavman lida i go insait long ples bung. Bisop Giegere Wenge, Bisop bilong Australia Lutheran sios Dr. John Endesen na meri bilong em, Sios Seketeri Albert Tokave, olpela sifJastis Sir Arnold Amet na Namba tu bisop Rev. Wai Rapa.



Ol pipel bilong Paingopa ausait long nupela etpos Digicel PNG Faundesen i bin opim.



# Digicel Opim Paingopa etpos

**DIGICEL Faundesen i opim namba wan rurel helt et pos long Paingopa, Galp Provins long Desemba las yia.**

Galp Provins i gat planti maunten, ples daun na planti gras long wara. Em i namba tu provins long kantri i gat liklik namba bilong ol pipel tasol, i hatwok tru long kirapim ol projek bilong bringim gutpela sindaun long ol pipel long dispela provins.

Digicel Faundesen i lusim K125, 587 long wokim dispela helt etpos. Em i gat tupela VIP toilet na rum waswas wantaim wanpela, 9000 lita wara tenk na sola sistem.

Ol pipel bilong Paingopa i bilong Kamea wanpisin na ol i save stap antap long ol mauten bilong Not-Wes long Kerema taun. Em i stap aninit long Kotidanga Lokal Level Gavman (LLG). Stat long taim namba wan misineri i bin kamap long ples bilong ol long 1960 i kam inap nau, i no bin gat bikpela senis long sindaun bilong ol Paingopa pipel.

Em i klia tru long luksave olsem laip em i no isi long dispela ples taim yu lukim wanem kain klos ol i putim na ol i wokabaut olsem wanem long wanwan de long kamapim sindaun bilong ol. Ol i save wokabaut 6-pela de long kamap long

Kerema taun long baim sampela samting na kisim sevis. I no gat man long ausait i save wanem samting i save kamap long dispela ples.

Tupela misineri bilong Seven De Edventis Sios, Robert na Rosely Tia i bin tokim Digicel PNG Faundesen long dispela ples long mun Januari 2013. Tupela i bin kamapim wanpela lokal non-gavman ogenaissen ol i kolim Hat to Hat Faundesen, na tupela i stat long wok wantaim dispela komyuniti long 1997.

Sif Eksekutiv Opisa bilong Digicel Faundesens, Beatrice Mahuru, i tingim bek namba wan taim em i bin go long Paingopa.

“Wanpela kain wokabaut stret. Mipela lukim klia stret long sindaun bilong ol pipel long sotpela taim mipela i bin stap long hap. Mipela ran long wanpela liklik kar long 7-pela aua long rot nogut stret. Tudak i haitim mipela taim mipela i go long nait. Rot i nogut na mipela i no sindaun gut bikos kar em i liklik tumas. Tasol dispela hat taim i no wankain olsem hevi ol pipel bilong Paingopa i save pesim,” em i tok

Mis Mahuru na ol lain bilong em i lukim olsem helt sevis em i wanpela bikpela hevi stret na i brukim lewa bilong ol. I gat bikpela sik i stap em long meninjaitis,

malaria, malnutrisen, na planti pikinini i save dai long taim mama i karim.

Sampela ol dispela sik i kamap bikosol i no save kaikai gutpela kaikai, na i no gat gutpela haijin na senitesen.

Tia famili na lokal komyuniti i stat long wokim wanpela helt senta long yia 2000. Em i haus kapa na ol narapela hap bilong haus em ol i wokim long ol samting bilong bus. Ol i bin stretim pinis tripela taim, las em long 2009. Tasol dispela etpos i no inap long helpim ol lain i kisim bikpela sik. Ol i save kisim ol long balus i go long Kerema taun Jeneral Haus Sik.

Sampela i save go antap long ol sap mauten na i go daun moa long ol baret inap long 6 aua long go kamap long Kunai Helt Senta, o sapos nogat, tupela de wokabaut i go long Kaintiba Helt Senta. Planti i save dai long bihainim dispela tupela rot long painim haus sik na marasin.

“Mipela i gat bikpela luksave long ol pipel bilong hia. Dispela etpos i soim nambawan laik bilong mipela long tasim lewa bilong ol lain bilong ol rurel komyuniti. Dispela bai i no inap kamap sapos Robert na Roselyn Tia, SIL na olgeta narapela lain i no helpim,” Mis Mahuru

i tok. Long gutpela wanbel bilong wok bung wantaim Hat to Hat Faundesen, SIL i bin karim ol samting bilong wokim haus sik i go long Paingopa long balus. Dispela wok poroman bai i go yet long ol medikal saplai bai i go insait long etpos olgeta taim.

Dispenseri Yunit bilong Kerema Jeneral Haus Sik i gat luksave long saplaim ol marasin i go long Paingopa olgeta taim.

Ol lain i kirapim Hat to Hat i tok tenkyu long Digicel Faundesen long helpim dispela komyuniti we tupela i holim long bel bilong tupela inap 16 yia olgeta.

“Mipela gat bikpela tenkyu long Digicel Faundesen long luksave long bikpela hevi bilong dispela komyuniti we em i stap tru long bel bilong mitupela stat long 1997 taim Nori Arimu, i kam bilong Edventis Frontia Misin i bringim ol long mitupela.

Dispela kain laip bilong ol i pulim mitupela i go klostu moa long ol. Na nau Digicel Faundesen i kam insait na stretim dispela bikpela hevi tru long laip bilong ol pipel, em i helt bilong ol. Mipela bilip olsem dispela etpos bai opim planti narapela rot bilong ol development sevis i kam long ol pipel,” tupela i tok.

## Yut, Meri na Famili Pastor Barbara Lunge



### Strongpela pawa bilong God bai senisim PNG long 2014

PAPUA Niugini bai brukim wara na i go long hapsait na kisim olgeta gutpela samting i kam long blesing bilong Papa long 2015 taim yumi kisim 40 yia independens. Kirap bilong nupela yia 2014 bai lukim bikpela senis i kam insait. Gutpela pasin bai kisim ples bilong pasin nogut na glori bilong God bai kamap ples klia. Taim pasin nogut i kamap bikpela moa, strongpela pasin bilong bagarapim ol bilip man bai i kamap, na bai i gat bikpela moa namba bilong martir i kamap, tasol taim glori bilong God i kam em bai i bikpela na i sain moa.

Strongpela pawa bilong God i kam insait na i bekim krai na hevi bilong ol santu long graun na ol lain bilong beten i save mekim prea olgeta taim. Dispela klinpela na holi pipel bilong God i olsem sit bilong kam bilong Holi Spirit insait long lewa bilong ol pikinini bilong God. Lewa bilong ol pikinini i go bek gen long Papa na i lusim pasin nogut na papa bilong gi-aman na giaman lotu.

**Trupela kingdom bilong God i kam kisim graun,** na em i no kamap olsem wanpela bikpela ogenaissen o wantaim ol bikpela, biknem “rivaivel miting”. Kingdom em i stap insait long lewa bilong ol pipel na i senisim ol long kamap klin na holi long bihainim Krai, na long kamap bikpela olsem ol pikinini bilong God.

Yumi olgeta i laik go insait long kingdom. Tasol, wokabaut bilong dispela bai i kirap long hap yumi stap long en nau, na i go insait. Yumi nidim Kam bilong Holines Spirit bilong heven long helpim wokabaut long hap yumi stap nau na kirap i go long hap yumi laik go. Em i yusim ol pipel long bringim laip na ministri bilong Krai Jisas i go long ol narapela. Spirit bilong Holines, em Holi Spirit, tasol bai karim yumi gut long taim bilong ol hevi na bagarap na i go insait long we pawa bilong heven i bosim graun karamapim wantaim ol pipel bilong God na olgeta hap graun.

**Heven bai i op antap long PNG na ol angelo bai i go antap na i kam daun (Stat 28:10-18) God bai i stap olsem klaut long de taim na paia long nait antap long PNG. Bodi bilong Krai bai i kamap wan na ol wokman bilong God bai wok wantaim ol presen God i bin givim ol long mekim wok bilong em. Lotu na singsing bilong litimapim nem bilong God na prea bilong ol bilipman bai i kamap long 24 aua olsem rum ensin bilong kingdom bilong God. Dispela bai opim ol bikpela dua wantaim ol gutpela samting olsem bilong redim wanpela meri i laik marit, long bringim gutnius i go insait long Esia i go bek long Israel. Yumi bai mekim gut wanem samting devel i stilim long yumi. Pasin bilong brukim lo bai i go daun long PNG taim yumi pulap long save bilong glori bilong God olsem ol solwara i karamapim si.**

Bodi i save pilim pen taim God i laik klinim sol. Pen bilong taim nogut em i hap tasol bilong pilim hama na sisel bilong God long mekim yumi kamap gutpela tru olsem wanpela naispela ston i dia tumas, bilong soim lait bilong laikim bilong God na glori bilong kingdom bilong em long graun olsem long heven. Yu mas i stap holi olsem em i holi, Bikpela i tok. Ol dispela lain i stap bihain bai i tokim narapela, “Bikpela i mekim dispela bikpela wok tru.”

*Sapos yumi stap insait long Spirit, yumi mas wokabaut insait long Spirit. (Rom 5:25.)*

### HIV Tes i kamap gut long helt senta

FUGWA Helt Senta insait long Not Koroba Distrik bilong Hela Provins i sekim pinis moa long 1,200 siklain long binatang bilong HIV, 6-pela mun bihain long wanpela trening ol i kisim long Oil Search Helt Faundesen (OSHF).

Fugwa Helt Senta mekim gutpela rekot bilong sekim ol siklain long binatang bilong HIV insait Not Koroba eria bilong Koroba-Kopiago Distrik bilong Hela Provins. Helt Senta i stap olsem 25 kilomita longwe long Nogoli Oil Search Bes Kem.

Not Koroba ketsmen eria i gat 13,000 na i no bin gat tasol pastaim long ol i kisim dispela trening bilong Provaida inisietia Testing na Kaunseling (PITC) trening bilong ol helt wokabalong lukluk raun bilong Mista Peter Botten, Oil Search Menesing Dairekta i go raun lukluk long haus sik.

Mista Botten i gat bikpela amamas long ol woklain bilong Fugwa Helt Senta.

“Samting em i spesel long ol wokman meri bilong Fugwa em strong bil-

long ol long wok na pasin bilong ol long rispek na tingting bilong lukautim ol komyuniti bilong Fugwa na long ol wok lain bilong ol long hap,” Ruby Kenny, Oil Search HIV Program Supavaisa bilong Tari i tok.

Hela Provins em i wanpela bilong ol Provins we i gat bikpela namba tru bilong ol lain i save soim olsem ol i gat binatang bilong HIV taim ol i kisim tes. Mista Botten i tok dispela kain namba em i no gutpela na Oil Search bai i no nap long larim kamap olsem. Em i bin go raun lukim ol wok lain long helt senta long tok amamas long gutpela wok bilong ol.

I gat tupela Oil Search Helt Faundesen Kea na Privensen Opisa, i save go olgeta wik long Helt Senta long helpim HEO Rebecca Puruma na ol lain nes na ol helt woka bilong helt senta. Oil Search i save givim fri fiul bilon ranim jenereta bilong Fugwa Helt Senta, bilong helpim pawa oltaim long taim ol mama i laik karim pikinini long nait na long holim ol banis marasin na sut long frisa olgeta taim.

### Ol yut i bung na strongim bilip

#### Sape Metta i raitim

PLES i bin paia stret long Nipa stesin long Sauten Hailans long taim klostu olsem tu tausent yut bilong Gud Nius Kristen Sios i bin kapsait i go long hap long namba 4 nesanel yut konprens long Desemba 18 i go inap 22, las yia.

Ol yut bilong Mosbi, Goroka, Kimbe, Hagen, Magarima na ol arapela grup long Sauten Hailans olsem Mendi taun, Lowa Lai, Sumbi, Tiwa, Saenaef, Lowa Nipa, Apa Nipa, Hinjip, Part Tupim, Un-

gubi na Merep Tosu i bin kamap long dispela bikpela bung.

Nesanel Yut Kodineta na man husat i go pas long konprens— Pasta Simon Wak i tok, em i amams long lukim olsem ol yut i bung, na wokim felosip na luksave tu long wanpela narapela.

Em i tok strong na salensim ol arapela sios tu long kamapim ol bikpela bung na plenim gut ol program we ol i ken yusim long helpim na developim ol yut long dispela ol konprens o ol bung insait long ol komyuniti bilong ol.



**OPIM YUT KONPRENS:** Man husat i kirapim Gudnius Kristen Sios, Victor Schlatter, wantaim ol sios lida i bin kamap long taim bilong opim Nesanel Yut konprens long Apa Nipa misin stesin long Sauten Hailans long Desemba. Em i bin wok misin long Nipa stat long 1961 – na bihain long 53 yia, Gud Nius Kristen Sios i gro na nau i gat moa long 15,000 bilip manmeri. Em i no man nating, em i bin wanpela nuklia saintis husat i bin lusim wok bilong em long Amerika long wanem em i bilip olsem em i kisim singaut i kam long Papa God long mekim wok misin. **Poto: Sape Metta**



# Long taim Katolik Sister i lusim PNG ...Manus em lewa stret

Veronica Hatutasi i raitim

WANPELA Katolik Sister husat i wok na stap long PNG long 62 krismas i lusim kantri na go bek long asples bilong em, Australia.

Sister Rita Torpey i gat 83 krismas, i bilong Musclebrook long rurel Nu Saut Wels (NSW), na i wanpela Katolik Sister bilong Our Lady of the Sacred Heart (OLSH) kongriksen. Em i bin kam long PNG long yangpela bilong em yet long 1959, taim em i gat 28 krismas.

Namba wan ples ol bin salim em long wok em long Katolik Misin Patu long Manus Provins. Na bikpela hap long laip na wok bilong em i bin stap long Manus we em i wok olsem wanpela skul tisa. Em i statim wok tisa long praimer level i go antap long hai na sekenderi level na kamap olsem prinsipal.

Sister Rita i kam long wanpela bikpela famili we i gat 10-pela pikinini meri na tupela man. Dispela i mekim 12-pela pikinini olgeta. Narapela susa bilong em i kamap wanpela Mercy Sister long Singleton, NSW.

"Intres long kamap wanpela misineri i stat taim mi gat 14 krismas na mi ritim stori bilong ol misineri sister i wok long Afrika. Olsem na taim mi gat 19 krismas, mi joinin ol OLSH Sister kongriksen long Sidni na long 1955, mi wokim ol las promis. Mi kisim trening long kamap skul tisa na long 1959, mi wantaim narapela tripela sister, mipela i kam long PNG.

"Eria bilong mi em edukesen, na mi go long Patu Misin na statim skul long hap inap 1967 taim ol i muvim skul i go long Papitalai we i stap inap nau," Sister Rita i tok.

Long 1959, em i statim Papitalai Haikul bilong ol meri, tasol long 1972, ol bin kisim ol manki man i go insait long skul long Papitalai.

Long 34 krismas bilong em long wok long Manus, Sister Rita i no bungim sampela bikpela salens long ol pipel, wok na laip. Dispela em bikos ol pipel em ol lain bilong stap isi, soim rispek na amamas. Tasol em i amamas olsem em i wokim samting long helpim ol pipel na moa yet, ol pikinini meri.

"Ol papa mama i no stopim ol pikinini meri long skul, na ol meri i pilim fri long go long skul.

"Wanpela toktok mi harim wanpela yangpela man tisa i wokim long 1959 em, "Ol pikinini meri i westim taim long kam long skul. Rausim ol. I moabeta ol i stap bek long ples na bungim ol paiawut i stap. Mi kirap no gut long harim dispela.

"Planti meri i pinisim gret 6 na mipela i salim ol i go long Kabaleo Tisa Koles long Rabaul. Taim ol i pinis, ol i kam bek na wok tisa long



**GUTBAI:** Sister Rita Torpey i bin lusim Manus na PNG wantaim bikpela sori bikos Manus na ol pipel em ol lewa stret.

Manus.

"Ol meri i mekim gut long skul na bihain, ol i go wok long ol gavman na praivet kampani, ol haus sik, ol skul na we gen. Mi amamas long ol pikinini meri Manus i mekim gut na holim ol bikpela wok long kantri.

"Mi amamas tu long lukim planti ol sumatin bilong mi, man na meri wantaim, i holim ol bikpela wok long gavman na ol praivet sekta. "(Dokta) Cecilia Nembou i wok nau wantaim Divain Wod Yunivesiti, Mary Pohai, Bernard Kipit na ol arapela moa em sampela ol nem log ol sumatin bilong mi i wokim gut na holim ol bikpela wok," Sister Rita i tok.

Sister Rita i bin wok sotpela taim long Pot Mosbi (tripela yia), Vunapope long 6-pela yia na ol narapela 34 yia long Manus.

Taim em i pinis long wok olsem prinsipal, em bin wok long fainens opis. Dispela em long Papitalai. Em i kirapim wanpela pik fam long skul i ken kisim mani long helpim lukautim ol wok opresen bilong em.

Sister Rita i wokim bikpela kontribusen long edukesen sekta long Manus na kantri. Em i wanpela gutpela musik meri bilong singsing na raitim kamap ol singsing. Wanpela long ol em Manus Provinsel singsing na ol sampela singsing lotu.

"Singsing em wanpela hobi o samting mi save laik mekim long fri taim bilong mi. Em i bikpela hap long tising na kwaia singsing," Sister Rita i tok.

Em i stap amamas long Manus na em bin ting olsem em bai dai long hap na ol i planim em long ailan, tasol em bin sik nogut tru Ogas 2012. Na ol i salim em i go

long Australia long kisim marasin. Long hap, dokta i tokim em olsem em i mas stap long Australia na kisim marasin na tu, sekap.

Tasol long mun Novemba las yia, em i kam bek long PNG long tok gutbai long ol poroman na moa yet, ol pipel bilong Manus husat em ol lewa stret bilong em.

Em bin stap 5-pela wik long Manus, sampela de long Rabaul na wanpela wik long Mosbi na long Mun Desemba klostu long Krismas, em i flai i go long Sidni na Kensington long Nu Saut Wels.

Taim dispela ripota i askim em long wokim ol las toktok long Manus na PNG, lewa bilong em i bruk na aiwara i pundaun.

"Mi pilim olsem Manus em i ples tru bilong mi we mi save stap amamas. Ol pipel i gat bikpela rispek long mi. Planti i bin laikim bai ol i planim mi long Manus taim mi dai.

"Bikpela tok tenkyu long yupela na God i ken blesim yupela. Mi tok tenkyu long laip we Bikpela i givim long mi hia long PNG. Lewa bilong mi bai stap wantaim ol pipel long Manus na PNG," Sister Rita i tok wantaim aiwara.

Bipo em i lusim Mosbi, i bin gat wanpela tok gutbai lotu long Sen Joseph, Boroko Sios. Ol eks sumatin bilong em na Manus komyniti i bin kamap long lotu na bihain, bung kaikai na ol Manus singsing tumbuna na danis we Sister Rita i save gut long ol.

Tenkyu Sister Rita long bikpela kontribusen bilong yu long bikpela na gutpela edukesen na misineri sevis yu givim long planti yia long Manus na PNG.

# Papamama i mas givim gutpela stia

## ...Stretim ol hevi long peris level

Veronica Hatutasi i raitim

**STRONGPELA toktok i go long ol papamama long givim gutpela stia i go long famili na moa yet, long ol pikinini bilong ol.**

Na famili em i faundesen o as bilong olgeta samting, tasol tude, em i bungim planti salens.

Peris pris bilong Sen Charles Lwanga Katolik Peris long Gerehu, Pater Mark Kautu, i bin wokim dispela toktok long pestode bilong Holi Famili long Januari 5. Long Katolik Sios kalenda olgeta yia, namba wan Sande bihain long Krismas em i Holi Famili pestode.

"I gutpela long dispela pestode tude i mekim yumi lukluk bek na glasim laip long ol famili bilong yumi, na ol wok yumi gat long en.

"Yumi mas, mekim gut ol wok bilong yumi insait long famili. Famili em i as long olgeta samting. Taim famili i stap gut, laip na sindaun bai kamap gut tasol.

"Ol papamama i mas givim gutpela stia na go pas long ol pikinini long soim rispek, bihainim gutpela pasin, marit laip na moa. Sapos yumi larim ol pikinini i lukluk ausait long ol stiatok, dispela i no gutpela.

Long namba wan rit bilong

dispela Sande, Buk bilong Zirach i toktok long kain stap bilong ol pikinini, papamama olsem ol marit insait long famili.

"Ol besik samting olsem pasin bilong mekim gut long ol narapela, rispek na stap pas long wanpela poroman insait long marit i mas stap long strongim famili yunit.

"Holi famili (bilong Maria, Joseph na Jisas) i bin skruim gut wok em bikos God i stap insait long famili.

"Sampela disisen ol papamama i wokim i kamapim hevi long famili. Olsem na long taim bilong mekim disisen, tingim olgeta famili lain na wanem gutpela na hevi em bai mekim, na kisim tingting bilong ol tu," Pater Mark i tok.

"Ol bikpela samting i stat long famili we papamama i mas skulim na givim stia i go long ol pikinini em; laik pasin na rispek, rot long stap olsem wanem wantaim ol narapela lain, toktok long tumora na ol pikinini i ken redi na lainim long lukautim laip na sindaun bilong ol bikos papamama i no inap stap laip i go i go," Pater Mark i tok.

Em i tok tu olsem long kain stap bilong tude, planti papa i wok long lusim mama wantaim ol pikinini na hevi i kamap.

Tasol em i tok yumi putim God insait long laip bilong ol famili bilong yumi na senis bai kamap.

Long wankain taim tu, Siaman bilong Sen Charles Peris Kaunsel, Caspar Gelu, i askim ol perisina long wok bung wantaim em na peris pris long ol wok insait long peris.

Na sapos ol perisina i lukim sampela hevi insait long peris, stretium long peris level na i no go long Asdaiosis opis.

"Sapos ol perisina i gat sampela hevi na wari, lukim siaman na peris pris na stretium long peris level na no ken kisim i go long Asdaiosis opis," Mista Gelu i tok.

Em i askim tu ol famili long strongim preia laip bilong ol.

Em i tok ol i ken mekim dispela sapos ol i makim wanpela o tupela de insait long wanpela wik long wokim famil prea o famili i sindaun, stap na pre wantaim.

Long narapela peris nius, ol bai opim nupela haus lotu bilong Sen Charles Lwanga long June 7 long dispela yia.

Ol wok redi i stat pinis log dispela na Mista Gelu i askim olgeta perisina long wok bung wantaim long redi long opening bilong nupela sios ol bin bilding long manim mak i abrusim 4 milien.



**OL SKAUT MANGKI I REDI:** Ol Karkar Ailan Boys Skaut Asosiesen lain i redi long mas na wokim fapim plak long stat bilong Luteran Sios sinod i kamap nau log Karkar Ailan, Madang Provins. Lukim ol stori long Pes 6. **Poto: Eric Sinebare**



## Australia i sasim asailam sika

Ol i sasim wanpela asailam sika long mekim tok lukaut long bomim wanpela balus i wok long kisim em lusim Perth i go long Krismas Ailan detensen senta.

Ol i tok dispela man bilong Lebanon krismas bilong em 27, i bin tok lukaut long bagarapim balus em ol i bin sata long kisim em na ol narapela asailam sika long Fonde.

Australian Federal Polis i tok ol i bin sasim em long mekim giaman tok lukaut. Ol i kamap liklik taim tasol long kot

asde na bai kamap gen long kot long Mas 10.

Dispela trabel i bin kamap taim i bin gat ripot long bel hevi na kros namel long moa long 2,000 asailam sika long Krismas Ailan Senta.

Sampela pipel i bin tokim ABC olsem i gat nau wanpela bikpela protes long senta we ol lain i no laik kaikai, "hunger strike" long senta na samting olsem sikipela asailam sika i samapim maus bilong ol.

Imigresen Minista, Scott Morrison i no bin laik tokaut stret o toktok long ol ripot bilong dispela protest.

## Bus paia kukim 52 haus

Bikpela bus paia i bin kukim 52 haus long Australia. Dispela paia i bin stat log Parkerville na i go bikpela long Stoneville long Sande na i kukim klostu 400 hektes bus.

Dipatment bilong Paia na Imejensi Sevis (DFES) bilong Western Australia i tok ol investigeta nau i bilip wanpela pawa pos i stap long praivet graun i bin statim dispela paia.

Planti handet pipel em ol i bin kisim ol i go aut i kam inap nau i no bin inap long go bek long haus bilong ol taim ol i bin

lukim olsem ples i hot yet na ol i inap bungim birua.

Paula Sajtinac husat i bin lusim haus bilong em na olgeta samting long bus paia long 2008 Stoneville Parkerville, na liklik taim em bai painimaut sapos nupela haus bilong em i bin o no gat.

Em i tok lewa bilong em i bruk, na em i wok long tingting planti i stap.

Olgeta pren na famli bilong em i tok long tok "Oh no, not again".

Em i askim, wantaim samting em bai mekim. Em i tok em bai i no inap malolo inap em i lukim haus bilong em, long wanem bipo em i bin bungim wankain hevi olsem.

Ol i bin tokim Ms Sajtina olsem haus bilong em i stap yet.

Fleur Adams bilong Stoneville i tok haus bilong em i bin stap long "right in the hot spot", na em i bin wok long wet long painimaut wanem samting i no paia.

Em i tok em i no laik save long wanem samting i bin kamap long haus bilong em.

Em i tok ol i wok long stretim graun arere long haus long dispela taim. Ol i mekim ol renovesen tu.

Em i go het na tok ol i wok long kirapim nupela haus bilong ol yet. Ol i bin stat tasol, na ol i putim olgeta samting ol i ken go long en.

I kam inap nau, Ms Sajtinac na man bilong em Jeff Bromilow i bin wok long kisim ol toksave i kam long ol lain i stap klostu long ol husat i stap bek long traim long stapim paia.

Em i bin tokim tupela olsem paia kukim veranda bilong em. Em i tokim tupela olsem samting i no stret em long wokabaut i go aut long haus na lukim ol lain bilong hangamapim klos i olsem wanpela hap plas-tik.

## Vanuatu i laik ol kendidet i mas sekap long dokta

Vanuatu Ilektral Komisen i tok ol ileksen kandidate i mas go sekap long dokta long lukim sapos ol i gat sik long bodi bilong ol.

Siaman bilong Vanuatu Ilektral Komisen, John Taleo i tok

Ol i laik dispela senis long wanem planti palaman memba i save dai long ol kain kain sik na gavman i save painim taim long kisim mani bilong bai ileksan.

Dispela tingting i bin kamap tu bihain long Minista bilong Intenel Afeas na man husat i bin lukautim Ilektral Komisen, Patrick Crowby i bin dai long mun i go pinis.

Mista Taleo i tok tu olsem, em i save sampela lain bai i no laikim dispela tingting tasol planti i tok em i gutpela tingting long wanem ol i save painim taim na mani bilong wokim ol bai ileksen taim ol memba bilong Palaman i save dai.

## Strongpela win bagarapim Tonga

Ol pipel blong Ha'apai long Tonga nau i wok long kisim sampela helpim bihain long saiklon lan i bin hamaim ailan bilong ol long wiken.

Dairekta bilong Emejensi Opis, Leveni Aho i tok ol i givim pinis moa long 500 ol kandis i go long ol pipel. Ol strongpela win, ren na taim nogut i bin bagarapim planti ol haus, ol gaden kaikai, wantaim ol skul tu. Wanpela meri, krismas bilong en 55 i bin dai long dispela saiklon.

Planti helpim i kam pinis long Nu Silan na Australia tu i givim han, tasol gavman bilong Tonga yet i wok strong tru long bringim bek bek pawa, wara na stretim ol telefon na ol narapla kain komunikesen i go long Ha'apai.

Wanpela niusmeri, Monalisa Palu i bin wanpela long ol namba wan lain nius ripota long go long Ha'apai na em i bin tokim Pacific Beat progrem olsem, ol pipel i amamas tru olsem i no gat planti pipel i bin dai long dispela saiklon.

Monalisa Palu i tok tu olsem ol lain bilong Red Cross wantaim ol sios i wok long helpim tu ol pipel.

Planti helpim i wok long go nau long Ha'apai, tasol Monalisa Palu i tok wanpela bikpla wok em ol i mas mekim nau em bilong skelim gut ol dispela kain wok.

Mis Palu i tok long displa taim, ol gavman blong Australia na Nu Silan i wok long toktok wantaim ol narapla lain long kamapim ol gutpela rot bilong bringim moa helpim i go long ol pipel bilong Ha'apai.



NATIONAL FISHERIES AUTHORITY

## PABLIK TOKSAVE

Nesenal Piseri Atoriti (NFA) i laik toksave long ol lain i winim 2013 Projek Developmen Fan (PDF) olsem nau i go inap long 31 Januəri 2014 NFA bai pinisim olgeta pemen bilong ol projek. Husat Pis Fama, Pis Kopretiv, Save manmeri bilong kisim pis i no putim ol kleim bilong ol bilong 2013 PDF, i mas mekim hariap.

NFA bai i no inap long lukluk long ol kleim bilong PDF pemen i kam bihain long 31 Januəri 2014. NFA i gat olgeta rait long tok nogat long givim mani sapos taim bilong givim i go pinis.

***Plis yu mas salim ol invoices na kowtesen bilong mekim pemen nau tasol i kam long:***

***Ms Welete Wararu, Executive Manager - Provincial Support and Industry Development (PSID) on fax number : 320 2061 na ring long dispela NFA telepon namba: 321 2650; 321 2001; 321 2251 and 321 1635 sapsos yu gat askim.***

Authorized by:

**SYLVESTER B. POKAJAM**  
Managing Director  
National Fisheries Authority



# Kamapim gutpela pawa saplai long kantri




Long dispela wik yumi harim gavman i tokaut olsem PNG Pawa bai i no inap long sasim moa mani long baim pawa. Las wik tasol i bin gat toksave olsem prais bilong baim pawa bai i surik i go antap. Bihain long dispela toksave bilong PNG Pawa i kamap, i bin gat planti kros i kamap long ol komyuniti na ol bisnis tu. Planti i askim sapos PNG Pawa inap long stapim ol blekaut i save kamap oltaim. Ol bisnis i no inap ran gut, ol wok i no inap ran gut na planti hevi i save kamap long taim i gat pawa blekaut.

Yumi luksave olsem PNG Pawa i sot long mani long stretim ol olupela masin bilong gut taim em yumi yusim yet long kamapim pawa saplai. Ol i mas baim fuel long putim long ol jenereta na prais bilong fuel tu i wok long sut i go antap. I gat planti bikpela salens dispela pawa kampani bilong yumi i save bungim long givim servis i go long ol pipel bilong kantri. I no gat narapela kampani moa i givim servis bilong ilektrik pawa insait long kantri.

Stori bilong PNG Pawa em i stori bilong ol narapela bikpela servis provaida em gavman bilong PNG i papa long ol. Wok bilong ol em long givim servis i go long ol pipel tasol gavman i save lusim bikpela mani tru long sapatim ol yet. Na servis bilong ol i no gutpela tumas bikos i no gat kompetisen o narapela kampani i resis wantaim ol.

I tru olsem yumi kros long PNG Pawa i save givim hevi long yumi oltaim, tasol gavman tu i mas karim hevi bilong dispela samting. Watpo



Jada 014!

na yumi no tingting long kamapim moa haidro pawa stesin insait long kantri? PNG i pulap long planti bikpela wara em yumi inap long ban-

isim na kamapim ilektrik pawa. Haidro pawa bai i no inap kaikai planti mani olsem ol pawa stesin i ran long fuel. Planti milien Kina i save lus

long baim fuel bilong ol olupela jenereta insait long ol pawa haus bilong kantri. Planti bilong ol dispela jenereta i bagarap pinis na i no gat moa

strong bilong givim gutpela pawa saplai.

PNG em i ples bilong san na win tu. Planti kantri long wok i wol long kisim pawa i kam long hat bilong san na strong bilong win.

Watpo na yumi no lukluk long ol dispela tupela rot bilong kisim pawa saplai. I gat ol saveman i stap long mekim wok painimaut na givim gutpela stia toktok i go long gavman.

Na long dispela yia, 2014 bai yumi lukim LNG i go aut long ol ovasis kantri. Watpo bai yumi tingting tasol long kaikai mani bilong dispela bikpela projek na yumi no painim rot long yusim ges long kamapim pawa saplai long sampela hap bilong kantri.

Nau em i taim bilong ol saveman long sindaun paitim toktok na painim rot bilong stretim dispela hevi bilong kamapim gutpela pawa saplai long kantri.

Olgeta ples insait long kantri i wok long kamapim liklik bisnis bilong ol. Tasol ol dispela bisnis bai i no inap long gro sapos i no gat gutela pawa saplai.

Na olgeta narapela wok bilong kamapim gutpela sindaun na senis bai i no inap kamap sapos i no gat pawa. Yumi save olsem sapos yumi laik lukim developmen i kamap, orait i mas gat gutpela rot, komyunikesen, wara saplai, trenspot na pawa saplai. No gat pawa, bai no gat developmen.

Long taim PNG i winim 40 yia bilong independens bai yumi lukim sampela senis i kamap o bai yumi bungim ol blekaut yet.

I gat planti bikpela samting bai kamap long kantri na ol

wok redi i stat pinis. Gavman i putim bikpela mani i go long kamapim wok olsem rot na bris na ples bilong pilai. Tasol ating em i mas stat long putim mani i go long painim ol rot bilong stretim hevi bilong pawa saplai long olgeta kap bilong kantri. No ken tingim ol pipel bilong Pot Mosbi tasol.

Planti moa manmeri i stap long ol ples longwe long taun na ol i no lukim pes bilong ilektrik pawa yet. Wanem taim tru bai ol tu i lukim dispela samting na pilim ol gutpela senis pawa i ken kamapim long laip bilong ol.

Ol siti na bikpela taun i pulap long kain kain manmeri husat i kam hangamap nating long taun bikos i no gat pawa long ples bilong ol. Pawa i stap bai i givim lait na mekim laip bilong ol pipel i isi.

Ol yangpela bai i no inap bisi long raun i go westim taim long taun. Ol i ken stap long ples na yusim save bilong ol long kirapim ol liklik bisnis na rot bilong kamapim gut sindaun bilong ol.

I gat rurel iletrifikesen program i stap. Tasol gavman i no luksave tru long dispela program na putim mani i go insait long en. Ol wan wan memba i yusim mani bilong ilektoret long kirapim dispela program.

Bikpela wok i stap long han bilong gavman. Sapos em i tok tru olsem senis bai kamap long ol yia i kam bihain, orait stat wantaim program bilong kamapim gutpela pawa saplai insait long kantri. Ol pipel i les pinis long sindaun long tudak.

# Maciolek i nupela SVD bos

OL DIVAIN Wod Misinari (SVD) kongrikesen long PNG i gat nupela bos.

Pater Joseph Maciolek, SVD, em i nupela SVD Provinsel Supiria long PNG.

Ol bin wokim disisen log mekim Pater Joseph olsem SVD supiria long PNG long Me 22, 2013 tasol ol i go hetim disisen long nupela yia, Januari 1, 2014. Pater Joseph husat i kisim ples bilong olupela bos, em Pater John McCarthy, bai holim dispela wok long tripela yia inap long 2016 taim ol bai makim nupela bosman gen.

Hetkota bilong ol SVD nau i stap long SVD Sentral Haus, Mamok Rot long Madang.

I gat 110 SVD pater, ol bruder, ol sister i wok long PNG log dispela taim.

Pater Joseph i tok salens

bilong en em long lukim olsem ol rilijes i kam long planti kantri long wol i wok na stap gut wantaim.

“Em i bikpela salens long lukim olsem ol rilijes i kam long planti kantri long wol i wok na stap gut wantaim. SVD em i wanpela intanesenel oda na long PNG, mipela i gat ol rilijes i kam long 19 kantri. “Na long planti kantri i wok wantaim em i hat, tasol misin bilong mipela i soim olsem samting yumi lukim olsem i hatpela inap kamap gut.

“Ol Kristen sios i soim olsem maski yumi bilong ol planti narapela kantri, yumi ken stap na wok bung gut wantaim,” Pater Joseph i tok.

Em i tok em i laik skruim kain lidasip i go long ol SVD memba we bai strongim na givim ol gutpela tingting long

promotim yuniti i bihainim kain lidasip bilong Pop Francis.

Em i tok namba bilong ol rilijes long SVD oda long PNG i wok long go daun bikos mak bilong ol ovasis misinari i kam long PNG tude em ol i katim daun. Na ol asples yangpela man i laik joinim SVD oda i no gro hariap.

Pater Joseph i tok tude, 9-pela PNG pater na bruder i wok long ol misin ovasis olsem ol dispela lain.

Pater Francis Koimb bilong Ambulua (Mt. Hagen) i wok long kantri Ghana, Afrika, Pater Rex Simangi bilong Mambe (Wewak) i wok long Brazil, Saut Amerika, Pater Gabriel Kokon bilong Bogia, Madang i wok long Madagaskar, Afrika, Pater Dennis Nyaura bilong Mambe, Wewak, i wok long Bolivia,

Bruder Aloysius Aisi bilong Poukama, Sentral Provins i wok long Chicago, USA, Pater Alex Garuai bilong Arawa, Bogenvil i wok long Zimbabwe, Pater Norbert Koima bilong Kundiawa i wok long Filipins, na Pater Paul Bina bilong Denglagu, Kundiawa i wok long Argentina, Saut Amerika na Pater Cosmas Kombala bilong Ambulua (Hagen) i wok nau long Paraguay, Saut Amerika.

Ol SVD pater na bruder i wok long PNG i kam long ol 19 kantri hia. Poland, Indonesia, Indian,

Germany, Netherlands, Philippines, USA, Ireland, Italy, Vietnam, Australia, Ghana, Chile, Brazil,

Switzerland, New Zealand, UK, Paraguay na Mexico.



Published Weekly, Thursday, for Word Publishing Company, Ltd.

P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: [editorial@wantok.com.pg](mailto:editorial@wantok.com.pg)

Websait: [www.wantokniuspepa.com](http://www.wantokniuspepa.com)

Pe bilong wanpela yia, 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Acting Editor Veronica Hatutasi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest or its absolute discretion. The publisher's general terms acceptance are available at Word Publishing Company Ltd and are set out full on the display advertising form.



# Karkar Ailan Luteran Sios Sinod long poto



Olgeta delegate i lain long kisim kaikai. Karkar i no sot long kaikai, taro, banana, kaukau na olgeta samting i stap long lukautim olgeta deleet.

*Ol poto: Eric Sinebare*



Ol Bumsol seket bilong Karkar i mekim bikpela wok tru bilong ol Simbu, Kainantu na Kotec disitrik i no ken hangere long Karkar long taim bilong bung. Em Dalsy Mish, Ada Braun na Rose Sareng i sevim ol kaikai long deleet.



Ol ELPNG trumphet ministri grup i brukim stret paip bilong long mekim ol naispela musik na mekim sinod i pairap na bel kirap.



Ol polisman long Karkar i no slip o malolo long nambis, nogat. Ol i mekim bikpela wok bilong kamapim gutpela lo na oda long dispela bikpela sinod bilong sios.



Bisop bilong Gutnius Luteran sios long Wabag, Rev. David Piso i kam long dispela sinod, na i kaikai wantaim Bisop Wenge na ol ovasis visita.



# Ol pas i kam long Jemani

## ...Lewa bilong mi i stap long Bogenvil

Veronica Hatutasi i raitim

**WANPELA** telepon kol i kam long Maris Kolis long Holi Spirit Seminari, Bomana ausait long Mosbi long wanpela moning long yia 1994.

Dispela telepon kol i askim long bos bilong niusrum na wanpela nius ripota long Word Pablisng Kampani i go antap long Maris Kolis na lukim wanpela pater i kamaut tasol long Bogenvil.

Long dispela taim, pait long Bogenvil i stap strong na ples na sindaun i no gutpela yet.

Nius we ol lain long Maris Haus i givim em, dispela pater em i wanpela long ol we i bin stap bek long ailan bihain long PNG gavman i bin putim bloket o tambu long no gat sevis i mas go long Bogenvil bikos em i laik givim mekim save long ol paitman. Na em i laik toktok tasol long ol niuslain bilong *Word Pablisng Kampani*. Long dispela taim, kampani i save kamapim *The Times of PNG* na *Wantok Niuspepa*.

Edita o Bos bilong niusrum long dispela taim em Anna Solomon.

Bikos mi save wokim ol sios na Bogenvil ripot, Anna i askim mi long go wantaim em long Bomana. Na draiva bilong niusrum, Tasi Torula, i kisim mitupela i go long 15 minit draiv i go long dispela naispela ples we ol yangpela man long ol Katolik Daosis long olgeta hap bilong PNG, na tu long ol arapela Pasifik kantri i save skul pater long en.

I mas Pater (nau Bisop) Henk Kronenberg i kisim mitupela Anna i go antap long Maris Haus na bungim dispela pater i kam tasol long Bogenvil. Mitupela i bungim dispela pater i gat 66 krismas, na sekan wantaim em. Tru, em i wok long Bogenvil, mi no bin bungim em bipo bikos em i no wok long peris bilong mi. Tasol mi amamas na sori long wankain taim long lukim em.

Nem bilong en em Pater Franz Herkenhoff SM na em i bilong kantri Jemani.

Tasol em i wok planti yia, moa long 30 krismas long planti hap bilong Bogenvil. Laspela peris em bin wok long en na i stap insait long Bogenvil pait em Marai long Koromira, Sentral Bogenvil.

As long ol i larim em i lusim Bogenvil na go bek long ples bilong em bikos em helt bilong em i no gutpela tumas.

Taim mipela i sekan, Pater Franz i givim naispela smail long mitupela na mipela i sindaun stori liklik.

Em i tokim mitupela long no ken putim stori bilong em long niuspepa bikos ples i no orait yet. Mitupela i tokim em olsem bai mipela i bihainim askim bilong em.

Taim mipela i pinisim bung stori wantaim em na mipela i tok gutbai long kam bek long siti, mitupela i givim Pater Franz ol bisnis kad bilong mitupela. Neks de, em i lusim Bomana na PNG olgeta i go long Jemani.

Wanpela de long 1995, mi kisim wanpela pas i gat "LUFTPOST" long en na i kam long Jemani. Mi ting husat tru long Gemani bai salim pas i kam long mi.

Mi opim pas ya na ai bilong mi i hariap long lukim husat tru dispela man o meri long Jemani, na i laik tokim mi wanem samting.

Ai bilong mi i wara taim mi lukim namba wan sentens long pas we em i tok, "no gut yu tingting planti husat tru i ratim pas long yu, em mi tasol dispela pater yu na bos bilong yu i bin bungim long Bomana las yia taim mi lusim Bogenvil na mi laik go bek long ples bilong mi long Gemani.

"Mi lusim Bogenvil tasol mi sori no gut tru na mi tingting planti long ol pipel na ailan mi wok long em longpela taim na mi lusim.



**DAIHAT BOGENVIL MAN:** Pater Franz Herkenhoff SM i amamas long putim Bogenvil Kep we sampela Bogenvil yut i bin go long Jemani long 2004 Wol Yut De i givim.



**LONG MARAI:** Pater Franz i wok long opis bilong em long haus long Marai Katolik Misin, Sentral Bogenvil. Ol Poto: Leit Pater Franz Herkenhoff SM



**REDI LONG MISA:** Pater Franz i redi long go long wanpela misa lotu long Ogas las yia. Retpela sol wantaim ol piksa em i putim em ol Karmelait Sister long Boroko, PNG i bin wokim na pater i save lukautim gut i stap.



**NISSAN AILAN:** Pater na yangpela man i sindaun long kanu na redi long go long Tungol Peris, Pinipel Ailan long Nissan, Atonomes Bogenvil Rijon. Dispela em long ol yia long 1980's.



**WANTAIM SUSAS:** Pater Franz wantaim wanpela susa bilong em, Martha long Jemani taim em bin go bungim em las yia na ol i dring ti na stori i stap.

"Mi laik ritim ol nius long Bogenvil na PNG, na plis, salim *The Times of PNG* niuspepa i kam. Tokim mi na hamas mi ken salim makmak i kam na yu ken salim niuspepa i kam long mi.

"Bai mi amamas long harim bekim bilong yu, na God i ken blesim yu. Mi Pater Franz Herkenhoff".

Dispela pas i opim rot na mipela i save rait i go i kam long 18-pela yia inap long tupela wik i go pinis, long Desemba 26 2013 em Boksing de, wanpela de tasol bihain long Krismas, pater mi save kolim gutpela "Papa" bilong mi i dai. Em i save kisim ol niuspepa bilong mipela wanpela taim insait long wanpela wik.

Long dispela taim ol nupela rot bilong komyunikesen i kamap olsem mobail fon, intanet, email na moa na no gat lain tumas i save salim pas long Pos Opis long toktok long wanpela arapela, tasol mi na Papa i save skruim raitim na salim pas i go na i kam long 18 yia.

Pater i save amamas long kisim longpela pas i gat ol planti nius long Bogenvil na PNG. Dispela em long *The Times of PNG* niuspepa na bihain mipela i senis i go long *The Independent* niuspepa, na las long en, ol Tok Inglis pepa i pinis na stat long 2003, em Tok pisin pepa, *Wantok Niuspepa* tasol. Antap long kisim longpela pas, Papa i save amamas long kisim narapela pas i kam long mi we i gat nius long famili bilong mi, na ol lain na nius bilong Bogenvil.

Pater i save askim long planti pipel long ailan na sapos ol i stap laip yet, olsem wanem long wok bilong stopim pait, lusim ol gan na gutpela sindaun, Atonomes Bogenvil Gavman na nius bilong ol rilijes na sios long Bogenvil.

Dispela Papa i bin givim bikpela sapot na helpim wantaim ol skul fi long ol pikinini bilong mi, na ol i save gut long

long wok, stap na laip bilong em long Sigon na Pinipel long Nissan Ailan, Atonomes Bogenvil rijon.

Long rum bilong em tu, Pater Franz i bin gat ol sampela memori bilong tingim Bogenvil na PNG.

Taim Pater Franz i bin go bek long Jemani, em i save wok yet long ol ministri olsem Haus sik insait long ol sampela Katolik peris inap em bin bungim sik suga o daiabitis 4-pela yia i go pinis. Tasol em i save strongim em yet, raitim pas yet i kam long mi na tu, ol narapela poroman long Bogenvil. Em i save draivim kar tu isi isi inap long las yia em i sindaun long wilsia. Tasol spirit bilong amamas na stap strong.

"Maski yumi gat sampela hevi i stap, yumi mas tok mi ken strongim mi yet na go het long laip wantaim marimari bilong Bikpela", Pater i save tokim mi.

Em save givim mi ol planti gutpela tok skul long mi long spirituel sait, prea na long famili.

Papa i save raitim ol pas long Tok Inglis na Tok Pisin wantaim. Tok Pisin em i kaikai stret bilong em.

Mi laki tru long gat wanpela pater Papa bilong longwe ples olsem i gat pasin bilong laikim na helpim ol narapela, ol tarangu na ol dispela i sot long ol samting.

Mi bin kisim pas bilong Papa klostu long pinis bilong mun Novemba, 2013 na bikos long planti wokabaut aut long Mosbi na wok, mi bin laik bekim long taim bilong krismas malolo. Tasol bikpela sori tru Papa bilong mi, mi no mekim yet na long Fraide Desemba 27, mi kisim email long bos bilong ol Marist long Jemani, Pater Alois Greiler SM, olsem Papa i dai long Boksing De Desemba 26, 2013.

Lewa bilong mi i bruk long lusim gutpela Papa na pren insait long laspela 18 krismas.

Mi salim email long Pater Alois na givim ol tok sori bilong mi na ol bin ritim sampela toktok mi mekim long funereel sevis ol bin holim bilong Papa long Meppen yet, Jemani, long nupela yia, Januari 2, 2014.

### Tasol stori i no pinis yet.

Long Trinde moning Januari 6, mi wok i stap na Sandra, em wokmeri long fran desk na Edministresen i isi tasol i kam wantaim wanpela envelop na putim long han bilong mi.

Mi kirap nogut tru long lukim dispela "LUFTPOS" envelop na mi kraik na tok, "Papa maski yu go pinis, tasol spirit bilong yu i stap laip yet. Na yu tingim mi yet na mi kisim las pas yu raitim bipo long Krismas, bipo yu go long Paradais. Tenkyu tru long olgeta kontribusen long ol wok developmen na sios, ol sevis olsem edukesen na humen integral developmen yu mekim bilong sios long Bogenvil na PNG. Bai mi no inap gat wanpela gutpela Papa na pren moa olsem yu. Raitim na salim pas long erogrem na salim long Pos Opis i pinis nau," mi tokim mi yet. Tenkyu na Gutbai trupela Papa na pren," mi isi tokim mi yet.

"Maski mi stap longwe long Jemani, lewa bilong mi i stap long Bogenvil," Pater Franz i save tok.

Sans nau tu long tok tenkyu long ol misineri Pater, Sister na Bruder bilong Jemani, Luxemburg, Holland, Austria, Ireland, Amerika, Itali, Nu Silan na Australia husat i bin kam long ol yia bipo long planim lotu, ol sevis olsem edukesen na helt i kam long ol pipel bilong dispela kantri.

Sampela long mipela i laki long ol dispela Sister na Bruder i skulim mipela na mipela i kamap long mak mipela i stap tude.

em long ol poto na ol pas em i save salim i kam.

Plantu Maris pater bilong Jemani olsem ol Woester Bratas, leit Pater Gunther Koller SM, Pater Tangen SM na moa i bin wok long Bogenvil na long ol pas wantaim Papa, mi save kisim nius bilong ol tu. Wankain tu long sampela ol narapela long kantri Ireland olsem Pater Edward Duffy SM. Sapos sampela Bogenvil na PNG Marist i go olsem long Jemani na Papa i bungim ol, em save stori longt ol yet.

Em tokim mi olsem em i raitim sampela samting long ol eksperiens bilong em long Bogenvil. Mi bilip olsem ol dispela i bikpela samting na sapos sampela pater long Meppen, Jemani i painim ol, ol i ken bungim na putim wantaim long sampela kain buk.

Long ol poto em i save salim i kam, long 2011, em bin salim sampela poto





Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wanpela singsing b'long bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment

6:10pm - 7:00pm Mon kamap sho
6:45pm - Komuniti Notis Bod
7:00pm - COCA COLA GARAMUT
7:00pm - Nius - YUMIFM Nius Senta

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - Nius - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6:30AM Nius na Karen Afes
7AM Stesen Pas

TUNDE - Moning - Nait
6AM Stesen Op - Nius Hetlain - Musik na ol intaviu
6:30AM Nius na Karen Afes
7AM Stesen Pas

TRINDE - Moning - Nait
6AM Stesen Op - Nius Hetlain - Musik na ol intaviu
6:30AM Nius na Karen Afes
7AM Stesen Pas

FONDE - Moning - Nait
6AM Stesen Op - Nius Hetlain - Musik na ol intaviu
6:30AM Nius na Karen Afes
7AM Stesen Pas

FRAIDE - Moning - Nait
6AM Stesen Op - Nius Hetlain - Musik na ol intaviu
6:30AM Nius na Karen Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7:05PM Musik na Chit Chat

SANDE - Nait
7PM Stesen op - Ol Nius Hetlain/Program Priviu
7:05PM Musik na Chit Chat

MANDE JANUERI 13, 2014

4:00 AM G AUSTRALIA NETWORK

5:00 AM G JOYCE MEYER

5:30 AM G EMTV NEWS REPLAY

6:00 AM G TODAY

9:00am

10:45am

12:15pm

14:00pm MALOLO CLUB

Toy Story 3
A Memory Keeper's Daughter Rpt.
Bruce Almighty
Red Dog

3:30 PM

4:00 PM

4:30 PM G KIDS KONA

HI 5 S8 EP#23/44
DORA THE EXPLORER S1 EP#23/26
PYRAMID S1 EP#24/52

5:00 PM G THE SHAK S2 EP#43/75

5:30 PM G AMAZING SPIES - EP#8/26

5:55 PM G CRIME STOPPERS

6:00 PM G EMTV NATIONAL NEWS

7:00 PM G SECRET MILLIONAIRE - USE S2

8:00 PM PG BUSH PILOTS 2/10

9:00 PM G COCA-COLA SPORTS SCENE EP

9:30 PM G EMTV NEWS REPLAY

.....followed by the Australia Network

TUNDE JANUERI 14, 2014

5:00 AM WITH JOYCE MEYER

5:30 AM G EMTV NEWS REPLAY

6:30 AM G TODAY

14:00pm MALOLO CLUB

4:30 PM G KIDS KONA

5:00 PM G THE SHAK S2 EP#44/75

5:30 PM G ESCAPE FROM SCORPION IS

6:00 PM G EMTV NATIONAL NEWS

7:00 PM G HAUS & HOME - Ep#49

8:00 PM G BEST OF BUSINESS PNG - RETURNS.....Ep#01/2014

8:30 PM G OFF THE MAP - EP#13/13

9:30 PM G NEWS REPLAY

.....followed by the Australia Network

TRINDE JANUERI 15, 2014

5:00 AM G EMTV NEWS REPLAY

5:30 AM G TODAY

9:00am MALOLO CLUB

4:30 PM G KIDS KONA

5:00 PM G THE SHAK Series 2 Ep#45/75

5:30 PM G TRICKY TV S3 - Ep#16/20

5:57 PM G CRIME STOPPERS

6:00 PM G EMTV NATIONAL NEWS

7:00 AM PGR FACT FILES

8:00 PM G OUR PORT MORESBY EP#10

8:30 PM G TOK PIKSA Ep#02/2014

9:00 PM M HOSTAGES - EP#5

10:00 PM G NEWS REPLAY

.....followed by the Australia Network

FONDE JANUERI 16, 2014

4:30 AM G AUSTRALIAN NETWORK

5:00 AM G WITH JOYCE MEYER

5:30 AM G EMTV NEWS REPLAY

6:30 AM G TODAY

9:00am MALOLO CLUB

4:30 PM G KIDS KONA

5:00 pm G THE SHAK SERIES 2 EP#46/75

5:30 PM G TRAPPED YR.2 CASTAWAY

6:00 PM G EMTV NATIONAL NEWS

7:00 PM G RAIT MUSIK EP#196

8:00 PM G RESOURCE PNG

9:00 PM G HOT SPOT EP#02/2014

9:30 PM PG ELITE MUSIC ZONE

10:00 PM G NEWS REPLAY

.....followed by the Australia Network

FRAIDE JANUERI 17, 2014

4:00 AM G AUSTRALIA NETWORK

5:00 AM G WITH JOYCE MEYER

5:30 AM G EMTV NEWS REPLAY

6:30 AM G TODAY

10:55am MALOLO CLUB

12:30pm GONE DAY CRICKET

AUSTRALIA vs. ENGLAND - Game 2

5:00 pm G THE SHAK SERIES 2 EP#47/75

5:30 PM G SKIPPY THE BUSH KANGAROO

5:55 PM G CRIME STOPPERS

6:00 PM G EMTV NATIONAL NEWS

7:00 PM G ONE DAY CRICKET

AUSTRALIA vs. ENGLAND - Game 2

10:00 PM G IN MORESBY TONIGHT -

10:30 PM G NEWS REPLAY

.....followed by the Australia Network

SARARE JANUERI 18, 2014

4:30 AM G AUSTRALIA NETWORK

6:00 AM G EMTV NEWS REPLAY

7:00 AM G IN HIS STEPS EP#17

7:30 AM G AUSTRALIA NETWORK

8:00 AM G YOGA CITY EP#6/13 rpt.

8:30 AM G AMAZING SPIES - EP#8

9:00 AM G ESCAPE FROM SCORPION

9:30 AM G TRICKY TV EP#16 RPT.

10:00 am G TRAPPED CASTAWAY EP#11

10:30 am G SKIPPY - RPT.

11:00am AUSTRALIAN NETWORK

5:30 PM G OLSEM WANEM EP#2014/01

6:00 PM G EMTV NATIONAL NEWS

6:30 PM PGR GREAT ANIMAL ESCAPES

7:00 PM PGR NEW GIRL S1 EP#16/24

7:30 PM PGR WHITE COLLAR YR.3 EP#16/16

8:30 PM G RAIT MUSIK

9:30 PM G BUSH PILOTS EP#2/10

10:30 PM G EMTV NEWS REPLAY

SANDE JANUERI 19, 2014

3:30 AM G AUSTRALIA NETWORK

6:00 AM G EMTV NEWS REPLAY

6:30 AM G IT IS WRITTEN

7:00 AM G HILLSONG

7:30 AM G AUSTRALIA NETWORK

8:00 AM G YOGA CITY EP#7/13

8:30 AM G BEST OF BUSINESS YR.3 EP#1

9:00 AM G MARTIN MYSTERY - Ep#27

9:30 AM G OLSEM WANEM- Ep#2014/02

10:00 AM G RESOURCE PNG - Ep# 100

11:00 AM G Best of ATW IN 85 PLATES

11:30 AM G COOKING ISN'T ROCKET

SCIENCE

12:00 PM G AUSTRALIA NETWORK

12:30 PM G ONE DAY CRICKET

AUSTRALIA vs. ENGLAND -

Game 3

5:00 PM G TBA

5:30 PM G ONE DAY CRICKET

AUSTRALIA vs. ENGLAND -

Game 3

6:00 PM G EMTV NATIONAL NEWS

6:30 PM G ONE DAY CRICKET

AUSTRALIA vs. ENGLAND -

Game 3

8:00 PM G TOK PIKSA EP#2014/03

8:30 PM MAO SUNDAY NIGHT

MOVIE -

10:00 PM G HILLSONG Rpt. . .

10:30 PM G EMTV NEWS - Replay

.....followed by the Australia

Network

PNG gat nupela regei singa



Isaac Liri i raitim

JAY-Koesana em i wanpela nupela regei singa bilong Papua Niugini. Em i rekodim namba wan solo albam bilong em, My World, aninit long Soul Musik Studio long Pot Mosbi.

Insait long dispela albam, bai yu harim planti laiv regei, na tu, ol liriks bilong singsing i karim ol gutpela toktok long laip bilong dispela graun.

Wanpela singsing insait long dispela album em Nikang Mesi, long tokples Nagovis, long Atonomos Rijon bilong Bogenvil. Dispela singsing em i toktok long giraun bilong ol

pipel na ol bagarap i save kamap.

Insait long dispela solo albam bilong em, i gat 12-pela singsing.

Nem tru bilong Jay-Koesana em Jason Koesana Sareke, na em i bilong Haku long Buka ailan. Jason em i no wanpela musik man tasol, em i wanpela tisa tu.

Jason i bin tokim Wantok Niuspepa olsem driman bilong em long kamap wanpela singa i bin kamap taim em i save harim ol musik koleksen bilong mama bilong em, na tu, ol manmeri em i gro ap wantaim.

"Mi save harim planti musik bilong Maxi Priest, Bob Marley,

Lucky Dube, UB40, Big Maunten, na tu, Jimmy Cliff. Dispela ol regei singa bilong wol i bin gat bikpela influens long musik laip bilong mi," Jason i tok.

Bikpela astinging bilong dispela albam bilong Jason em long autim tok i go long ol pipel long stap gut long dispela taim we planti kain kain samting i wok long kamap.

Albam bilong Jason em i kam aut pinis, na sapos yu laik baim wanpela kopi, yu can kontektim em long 73683242 o jsareke@gmail.com, long kisim moa toksave long painim.

Noken mis aut long dispela nupela regei singa, Jay-Koesana.

Raun wantaim Wantok kru...

Albam kava bilong Jay-Koesana.



# TORO



# BIABIA



# KANAGE



# KROSWOD

- |              |                 |   |    |                               |
|--------------|-----------------|---|----|-------------------------------|
| <b>Antap</b> | 67              | Soim rispek na apim nem                   | 52 | Air Niugini i gat planti      |
| 1            | 68              | Narapela lain                             | 53 | I wokim kanu i balens         |
| 7            | 69              | Kumul em wanpela                          | 56 | Mekim planti wok              |
| 9            | 70              | Ol samting insait long het                | 57 | Sempian boksa bilong PNG bipo |
| 12           |                 |   | 58 | Kantri long Midel Is          |
| 13           | <b>Daunbilo</b> |   | 59 | Yunaitet Nesen                |
| 14           | 1               | Abus bilong buai                          | 60 | Givim griting                 |
| 15           | 2               | Gaden bilong Adam na Eva                  | 62 | I no hatwok                   |
| 16           | 3               | Bigman bilong kingdom bi long Brunei      | 63 | Makim kendidet                |
| 18           | 4               | Wanpela rot bilong salim tok long komputa | 64 | No gat moa laip               |
| 19           | 5               | Ples bilong baim dring                    | 65 | Mista long tokples Kuanua     |
| 20           | 6               | Anjel                                     |    |                               |
| 21           | 7               | Givim hatpela toktok                      |    |                               |
| 22           | 8               | Ples sankamap                             |    |                               |
| 24           | 9               | Abus bilong solwara                       |    |                               |
| 26           | 10              | Pekato man                                |    |                               |
| 27           | 11              | Eksesais                                  |    |                               |
| 29           | 14              | Provinsal Edministreta                    |    |                               |
| 31           | 17              | Draivim long rot                          |    |                               |
| 32           | 18              | Putim gol long spot                       |    |                               |
| 35           | 23              | Taj Mahal i stap long dispela kantri      |    |                               |
| 37           | 25              | Bikpela siti long PNG                     |    |                               |
| 39           | 28              | Distrik long Wes Sepik                    |    |                               |
| 40           | 30              | I no wankain                              |    |                               |
| 42           | 31              | Ringim namba long telefon                 |    |                               |
| 43           | 33              | Jisas i mekim olsem long ol pikinini      |    |                               |
| 45           | 34              | Nesanel Alaiens                           |    |                               |
| 46           | 36              | Ligel Trening Institut                    |    |                               |
| 47           | 37              | Nem bilong ol Sentral Provins             |    |                               |
| 48           | 38              | Namba eit mun                             |    |                               |
| 49           | 40              | Distrik Edministreta                      |    |                               |
| 51           | 41              | Lain i lukautim ol kalabus                |    |                               |
| 53           | 42              | Lata bilong haus                          |    |                               |
| 54           | 44              | Ami bilong PNG                            |    |                               |
| 55           | 45              | Saiyor                                    |    |                               |
| 57           | 47              | De Jisas i kirap long indai               |    |                               |
| 61           | 50              | Narapela lain, i no yu o mi               |    |                               |
| 63           |                 |   |    |                               |
| 65           |                 |   |    |                               |
| 66           |                 |   |    |                               |

# SUDOKU

2	7	9	1	5	8	6	4	3
3	8	6	7	4	9	2	5	1
4	5	1	2	6	3	7	8	9
8	2	4	9	1	7	3	6	5
5	9	3	6	8	2	1	7	4
1	6	7	4	3	5	8	9	2
9	3	8	5	2	6	4	1	7
7	4	2	8	9	1	5	3	6
6	1	5	3	7	4	9	2	8

Ansa bilong las wik Sudoku # 27

	7		8			9		3
				4	2	7		
	6	2		1			5	
		5			1	3	9	7
8			5		7			4
7	1	3	2			6		
	4			5		8	7	
		7	4	2				
9	8				6			4

Ansa bilong Sudoku # 28 neks isu

P	A	I	P	L	A	I	N		S	A	R	E	P
A			O	I		E	M	T	I				
I	R	C	A			S	I	O	S			S	P
L	A	H	A	N	I	S		R			D	U	A
O	N	A	Z		A	N	T	I			U		S
T	N	A	T	I					S		P	E	
	P		S	O	T		P		M	V	I	L	
B	A	L	E	N	S		M	I	S	K	O	L	
I	N	A		O		M	O	N			T	O	P
	G	E	S		B	E	B	I		T			I
	I	O	N	A			A	T					
S	A	P	L	A	I		I	S		I	E	N	I
A		A			R	E	L	I	S	E	N		N
S	A	R	A	G	A				S	A	N	T	U

Ansa bilong las wik kroswod

1	2	3	4		5	6		7		8		9	10	11
12					13							14		
15							16	17		18				
19					20							21		
		22		23					24		25			
	26					27			28				29	
30			31					32		33		34		
35		36				37	38							
		39				40			41				42	
43	44				45				46			47		
48						49		50						
51		52		53								54		
		55	56				57	58		59				60
61	62					63				64				65
	66					67								68
69						70								



# Wiken foto



**OL KUKA KAPSAIT LONG HANUABADA:** I luk olsem nau em i taim bilong kuka o long tok motu bai ol i tok, dubara. Dis-pela mama bilong ples Lealea long Sentral provins i karim moa long wan handet kuka i go salim long maket bilong bikples Hanuabada taim *Wantok* Nius i bungim em. **Poto: Sape Metta**



**OL MERI TU I KEN MEKIM:** Nau wok bilong saksak i no bilong ol man tasol, olsem dispela yangpela meri bilong ples Savaiviri-Loutova long Malalaua Distrik, Galp Provins i soim. Dispela yangpela meri i wok long narapela level bilongwokim saksak, na dispela em klostu long pinis prodak we meri i wasim na klinpela wara bai kamap olsem stas (starch) saksak. Yumi lukim dispela i bung insait long strongpela han bilong lip saksak o limbum kontena. **Poto: Sape Metta**



**Maski Maunten paia Tavurvur i belhat yet na tromoi smok bilong paia long taim bilong Krismas na yia 2013. Ol manmeri bilong Rabaul i no wari, ol i go het yet long nomel wok bisnis bilong ol long Rabaul taun na ol ples i stap klostu long taim bilong Krismas na Niu Yia. Photo Michael Novingu**

# Raun wantaim Kanage olgeta wik

## Faktori stap yet

KANAGE em i wanpela Tolai. Kanage i gat faivpela pikinini. Yu save ol man Tolai save pasim laplap. Kanage i go wok long pilai wantaim pikinini i stap na em laik karim bebi na win i kam na apim laplap bilong em. Hariap tru Kanage lusim bebi na holim pasim laplap. Bebi ya pundaun na kra i stap. Ol manmeri lukim na tok, "Em orait. Faktori bilong wokim bebi i stap yet!". Kanage kisim bebi na tokim ol, "Yes ya! Mambu i stap yet. Lip i drai tasol em sanap strong yet!"

## Mambu Wantok Bilong Yu Yet

## Save i kilim Kanage

WANPELA biksot loya long Mosbi kam ap long balus i go long Lae. Na em i sindaun long sit wantaim Kanage, husat i laik go bek long ples. Yu save, biksot ya, em maus wara long Kanage na tok em i ken giamanim tru ol manmeri na save bilong em i moa yet. Em nau loya man ya askim Kanage long pilai wanpela gem.



Kanage i skin les na i laik silip na tok nogat long bikman ya. Tasol loya man strong yet na tok, "Mi bai askim yu wanpela askim, sapos yu no save long ansa, bai yu givim mi K5 na sapos yu askim mi na mi no save, bai mi givim yu K500!" Em nau ai bilong Kanage i op na tok orait long pilai. Loya man ya laik soim olsem em i gat moa save long Kanage. Loya askim pas, "Hamas kilomita, long Mosbi i go long Lae?" Kanage i no bekim na givim loya K5. Taim bilong Kanage. Kanage askim, "Wanem samting i go antap long maunten wantaim tripela lek na kam daun wantaim foapela lek?" Loya man ya tingting tingting i go nogat na em opim lap top komputa na sekim. Em traim kain kainwe i go nogat na em givap. Em kisim K500 na givim

Kanage. Kanage kisim mani na pasim ai silip. Loya man ya i no wanbel olsem Kanage winim em long save na em kirapim Kanage na askim, "Yu tok klia, em wanem samting?" Kanage isi tasol kisim K5 na givim em. Kanage i no save long ansa olsem na em win long save.

## Wasman Bilong Binatang

## Sindaun Bagarap

KANAGE em lapun pinis tasol em save bikhet olsem yangpela man. Wanpela apinun em wok long dring hombru wantaim ol yangpela na harim singsing bilong Saugas, 'Sindaun bagarap.' Taim paps Kanage harim dispela singsing em spak na tokim meri bilong em, "Lewa yu harim dispela singsing tu a?" Meri i bekim, "Yes mi harim pinis. Bagaros kirap na bikmaus long meri bilong em. Nau bai sindaun bilong yu i bagarap."

## MC Kuak Vanimo

**Ol skwat! Teksim ol gutpela Kanage tok pilai i kam long: Txt: 72356149**

# Papa i tok mi no gutpela rol model

## Dia Laiplain,

Mi gat 16 krismas na mi stap long gret 10. Mi laik kamap wanpela rol model o gutpela piksa long ol narapela taim mi wok long groa ap na tu, long amasim papamama bilong mi long lukautim mi.

Long famili bilong mi, mipela i gat tripela pikinini man na tupela pikinini meri. Mi namba tu long famili. Bikpela brata bilong mi i wok, tasol olgeta potnait em i save dring na pinisim olgeta mani bilong em. Olsem na em no save kam wantaim wanpela mani long haus. Sampela taim, em i save kisim gelpren bilong em i kam long haus taim em i no gat mani, na papamama i save helpim em.

Hevi em, papa bilong mi i save dring tu, smok na sampela taim, em tu i no gat mani long baim kaikai we mama bilong mipela i ken kukim. Tasol papa ya i save givim mipela ol pikinini stiatok na mipela i no ken dring na smok.

Yu ting wanem, papa bilong mi i wanpela gutpela rol model?

## Concerned Son

## Dia Pren

Tenkyu long serim wari bilong yu wantaim mipela. Laiplain i save kisim planti pas olsem bilong yu.

Mipela i luksave long wari bilong yu we yu laik kamap olsem wanpela gutpela rol model long bihain taim, tasol papa na bikpela brata bilong yu i wok long salim ol miks mesej o tingting long rot we yu ken bihainim stretpela rot long laip.

Tasol maski papa na brata bilong yu i dring bia na smok, yu laik kamap gutpela piksa. Tasol i luk olsem yu paul taim papa bilong i givim stiatok long yupela i no ken dring na smok, tasol em na brata bilong yu i save dring na smok.

Pren, laip em i olsem rot we i mas



go het na yu yet i mas skelim wanem rot yu laik bihainim. Disisen yu mekim em bai yu kisim ol gutpela o nogut kaikai long en. Tasol em i gutpela long save olsem yu laik kamap wanpela gutpela man, maski papa na bikpela brata i no soim yu gutpela piksa.

Mipela i lukim tingting bilong yu olsem gutpela disisen yu wokim long en. Olsem mipela i tok pinis, bihain taim bilong yu i stap long han bilong yu na papa o brata bilong yu i no inap tokim yu bai yu go olsem wanem.

Olsem mipela i luksave long ol presa o hevi yu stap long en bikos olgeta wik o potnait, yu bungim ol dispela samting i no gutpela.

Pren, yu toktok long hevi yu gat long en wantaim mama bilong yu tu? Sapos nogat, i moabeta yu tokim em na em bai toktok wantaim papa long wari bilong yu. Long wankain taim, sapos yu gat ol narapela brata na susa, moabeta yu strongim ol long no ken bihainim samting we papa na bikpela brata i wokim. Ol dispela samting i no gutpela long helt bilong yu-pela.

Mipela i tenkim yu long strong bilong yu na tingting long i no bihainim papa na brata, tasol long kamap gutpela piksa long ol narapela i ken lukim na bihainim. Pren, dispela i gutpela mak long planti yangpela husat i wok long bungim hevi i stap. Bikos famili i no helpim o givim ol gutpela sapot, ol i save go na mekim ol samting i no stret. Ol i sutim tok long famili long go mekim ol samting i no stret taim ol i no

luksave olsem "choice" o disisen long mekim gutpela samting o nogat i stap long han bilong ol.

Pren, taim wanpela i mekim gutpela disisen, em bai orait. Tasol taim em i nogat na bihainim laik bilong em, em i no gutpela. Mipela i amamas olsem yu wokim disisen long mekim samting i stret na bihain taim bilong yu. i moabeta yu poromanim ol gutpela lain husat i gat gutpela pasin na ol bai helpim yu na givim yu stiatok taim yu bungim hevi.

Pren, yu autim wanpela bikpela samting we i givim hevi long planti pikinini long sait bilong lukaut bilong papamama na soim gutpela pasin na piksa.

Gutpela rot ol papamama i ken soim long ol pikinini em long kamap ol gutpela rol model o piksa na mekim samting long stretpela rot, i no long givim stiatok na go mekim samting i no stret.

Bikpela i laikim yu long gat gutpela laip, na moabeta yu luksave long en moa tude.

Ritim Proveb Sapta 3 ves 5 na Jere-maiah 29:11.

God i ken givim yu gutpela tingting long mekim ol gutpela disisen.

Pren bilong yu

**Sapos yu gat wari o hevi, rait i kam long dispela etres: Lifeline Counselling Services, P O Box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.**

Laiplain



# Westpac painimaut giaman online benking

**WESPAC i givim toklukaut long ol kastoma long lukaut gut long ol giaman online benking bihain long benk i painimaut long wanpela giaman websait i yusim wankain sain na pes olsem Westpac long trikim ol kastoma**

Long dispela wik, ol atoriti long HongKong i painimaut long wanpela sain bilong Westpac PNG long wanpela websait pes.

Jenerel Menesa bilong Westpac PNG, Geoff Tonne i tok dispela em wanpela eksampel bilong planti giaman lain i wok long raun long mekim kain pasin long stilim mani long ol kastoma bilong benk.

Mista Toone i tok long dispela kain rot, ol kain giaman websait bai trikim ol kastoma na taim ol i givim akuan infomesen long online, ol giaman lain bai go insait long akun bilong kastoma na i ken mekim planti giaman samting na stilim mani.

Mista Toone i tok sapos wanpela kastoma i gat hevi

o i gat askim taim em i kisim infomesen long ol lain benking sekim wantaim websait tru bilong Westpac benk.

Mista Toone i tok Websait pes tru bilong online benking pes bai i gat wod 'Westpac' long URL na kastoma i ken go online long Hompes tasol long <http://www.westpac.com.pg/>.

Mista Toone i tok wanpela giaman websait ol i painimaut i gat dispela adres 'hkys.hk/language/en-GB'. Sapos URL o adres i no nupela yu mas save olsem sampela giaman samting i wok long kamap.

Mista Toone i tok narapela rot long abrusim ol giaman websait em long ol kastoma i ken senisim haitnem bilong ol klostu klostu.

Em i tok Westpac bai kamapim sampela rot long abrusim ol kastoma noken go onsait long giaman online benking. Mista Toone i tok em long benk bai salim wanpela kod i go long kastoma wankain olsem rejista bilong Mobaail namba na dispela bai mekim hat long giaman lain.



**Jenerel Menesa bilong Westpac PNG Geoff Toone.**

"Planti giaman pasin i wok long kamap na Westpac bai no inap askim ol kastoma bilong en long ol akaun infomesen long e-

mail na long telepon. Sapos kastoma i gat hevi em i mas go stret long benk na lukim ol wokman long helpim," Mista Toone i tok.

# Gavman bai baim K188 milien dinau bilong AROB

**Stanley Nondol i raitim**

GAVMAN bai baim K188 milien dinau bilong Atonomus Rijen bilong ov Bigenvil(AROB) na laikim AROB i ken bruk na lusim PNG.

Minista Bilong Tresari Don Polye I kisim K132 milien baset bilong 2014 bilong AROB long las wik na em I tok em i wok bilong Nesanel gavman long givim mani long wok developmen long AROB we i stap pinis long ol agrimen namel long gavman na AROB.

Mista Polye i givim tok orait long wankain de long palamen haus na em i laikim gavman bai givim mani kwik long wok bai kamap long hap.

I gat agrimen pinis long taim Sir Michael Somare olsem Nesanel Gavman bai givim K100 milien long wan wan yia insait long 5 pela yia stat long 2011 long bildim gen developme bihain long Bogenvil wo i bagarapim ples.

AROB i kisim K100 milien bilong 2011 tasol na i no kisim mani bilong 2012 na kism K12 milien tasol long

2013 na i gat dinau i stap wanaim gavman long mani mak bilong K188 milien.

Tresara Don Polye i tok AROB em i impoten long PNG na tok em bai painim mani long sistem bilong gavman na givim long ol.

Minista Polye i tok ol sampela provins na distrik i givim plen tasol em i salim i go long Tresari dipatmen long lukluk long baset buk pastaim long em bai givim tok orait.

Tasol Minista Polye i givim tok orait long wankain de em I bin kisim baset pepa bilong ol.

Long wankain taim, Mista Polye i singaut long ol palamen lida bilong AROB long wok bung long lukluk long hevi bilong Bogenvil na mekim wok divekopmen.

Minista Polye i tok em bai tokim Praim Minista Peter O'Neill pinis olsem em i makim gavman na mekim komitmen pinis na gavman bai givim K100m bilong 2013.

Tok orait bilong K312 milien baset bai Tresari dipatmen i givim long AROB long pinis bilong dispela wik.

# PNG bilum bai go long wol maket

BILUM bilong PNG i kisim ai bilong autsait kantri na gutpela nius nau i go long ol meri bilong kantri olsem bilum bilong ol bai go long wol maket long gutpela prais bihain long tripela yia.

Intanesnel Tred Centre (iCT) wantaim Small Business Development Corporation (SBDC) i statim pinis toktok long kamap wantaim gutpela rot na opim rot long wol maket long ol gutpela

bilum bilong PNG ken go long maket long narapela kantris.

ITC Tim i kam lukluk raun long kantri long Oktoba las yia long bilum maket long Goroka, Mt Hagen na Mosbi na toktok wantaim SBDC long kamap wantaim gutpela rot long helpim ol PNG meri long salim bilum long wol maket.

ITC tim na SBDC stretimrot long 3pela yia stat long

2013 na long 2016 dua long wol maket bai op long PNG meri bai salim bilum long ol kantris long wol na mekim gutpela mani.

PNG meri nau yu ken lukim ol i mekim bilum long kainkian stail na kala na save salim long maket long kantri yet.

**Poto i kam long SIL-Ukarumpa-EHP**



OL dispela kaukau na potato i kam long Hailens. Ol sela long Mosbi i baim long ritel maket. Wanwan kaukau bek ol baim namel long K100 na K150 na salim long ol maket long siti. Tasol rot bilong kisim ol kaukau bek long hailens i kam long Mosbi i no isi. Wan wan kaukau na potato bek i kosim moa long K50 long kisim i kam. Ol Hailens fama i salim long baia na ol i lotim long bikpela kar i kam long Lae sip bris na baim sip na salim i kam long Mosbi. Sampela taim ol kaukau na ol arapela kaikai saplai i kam long sip long Hailens i save sting long saip na ol saplaia i no save mekim winmani. Long sip bris ol i baim long bikpela mani long rausim.





# Tresari sainim K20 bilien warent bilong 2014

Stanley Nondol i raitim

MINISTA bilong Tresari Don Polye i tokaut olsem em i sainim moa long K20 bilien warent bilong 2014 na givim tokorait long wok developmen i mas kirap hariap long dispela yia.

Minista Polye i tok em i mekim wankain pasin long 2013 long sainim olgeta warent tasol wok i no kamap haraip. Em i tok wok long developmen baset i kamap olsem 30 pesen tasol na i no gutpela tumas.

Minista Polye i tok baste bilong kantri long 2014 i sanap long K15 bilien tasol em i sainim K20 bilien warent long painim sampela moa mani insait long sistem long putim long ol bikpela projek. Em i tok gavman i save mekim olsem long olgeta yia.

Mista Polye i bekim askim long nius manmeri olsem em i sainim olgeta mani bilong 2013. Em i tok em bin saninim pinis K890 milien warent pinis bilong 89 distrik long wan wan distrik bai kisim K10 milien.

Tasol i gat bikpea komplem i kamap long distrik edministreta na ol sampela memba bilong palamen



Minista bilong Tresari Don Polye.

olsem ol i no kisim DSIP mani bilong mekim wok long 2013.

Dispela i soim ples klia olsem Tresari i sainim warent tasol Fainens diipatmen na ministri i no givim mani hariap i go long ol provins na distrik long mekim wok developmen.

Dispela pasin bilong Fainens i no givim mani hariap i lukim Deputy Oposisen lida na Memba bilong Bulolo i salensim Minista bi-

long Fainens James Marape long Suprim kot.

Minista bilong Fainens James Marape long planti taim i tok olgeta distrik na provins bai kisim K10 milien DSIP na K5 milien PSIP long arere bilong 2013. Tasol i gat bikpela askim na wari gen olsem olgeta distrik na provins i gat plen bilong ol long mekim wok.

Dispela pasin bilong Fainens i go givim mani hariap i lukim wok develop-

men i no kamap long planti distrik na provins long 2013.

Minista Polye i tok klia olsem planti wok developmen i no kamap long 2013. Em i laikim wok bai kamap hariap long 2014 long mekim wok bilong 2014 baset.

Minista Polye i tok namel long Jun na Julai 50 na 60 pesen bilong developmen baset i mas mekim wok developmen.

# NFA i singaut long pis projek

NESENEL Fiseris Atoriti i tokaut olsem Nesenel Fiseris Bod i putim mani long Projek Developmen Skim bilong fiseris developmen long ol provins. NFA i nau singaut long ol manmeri na kopretiv sosaiti husat i gat fiseris developmen wok long salim projek proposel bilong 2014 long kisim helpim long Projek Developmen Fanding (PDF).

I gat tupela rot bilong fmani i kam aninit ol Pis projek aninit long PDF.

Long grup namaba wan mani i kam long agrimen namel long ol Pasifik Ailan Kantri na Yunaitet Stet bilong Amerika (USA). Dispela mani ol i givim long wan wan Pasifik Ailan kantri na long Fiseris Forum Ajensi long Honiara, Solomon Ailan. FFA long Honiara i lukautim dispela mani.

Aninit long dispela, Komyuniti Fiseris Projek husat i mekim Pis projek long sevis bilong komyuniti na i no bilong mekim winmani i ken aplai na kisim helpim.

Ol komyuniti bes fiseris projek ken aplai long kism helpim long ol samting olsem ais bokis, ol samting bilong stretim fispon, na ol kepitel ikwipmen bilong pis projek long mani maki bilong K10, 000.

NFA bai givim mani long 12 pesen projek long wan wan provis aninit long dispela grup.

Long namba tu grup aninit long PDF, NFA bai

givim mani long baset bilong em aninit ol komyuniti fiseris projek long fiseris developmen sapot projek.

NFA bai givim mani sapot long ol SME fiseris bisnis long kisim ol ikwipmen long sapotim ol projek long mani mak bilong K50,000 o i go long K100,000. NFA bai fandim 12 pesen projek long wan wan provins.

Long kisim helpim long grup tu. SME i mas 100 pesen bilong ol PNG sitisen na i bin mekim fiseris projek long las tripela yia o moa. Na dispela SME kampani i mas i gat 50 pesen bilong ekuiti mani em i aplai long kisim helpim.

NFA i tokaut olsem SME i mas redi long ekuiti, na i mas ripot bek long NFA long wanem wok em i mekim wantaim helpim em i kisim.

NFA i tok em bai baim mani stret long saplaia bilong ol samting na no bilong bekim dinau bilong kampani na yusim long operesenel kos olsem baim fuel na ol wokman na ol arapela samting.

PDF Stering Komiti i stap pinis na bai putim was long ol mani bilong projek i no ken lus na wok mas kamap gut long helpim ol projek long gro.

Aplikesen bilong grup 1 na 2 bai pas long Mas 21, 2014.

# PNG bung wantaim Israel long egrikalsa

NESENEL Eksekutiv Kaunsil (NEC) i tokorait long mekim join vensa wantaim wangepela grup bilong Israel long developim agro-indastri long Papua Niugini.

Praim Minista Peter O'Neill i tok kabinet i tokorait long wok bugng wantaim LR Grup bilong Israel long kamapim join vensa.

Mista O'Neill i tok aninit long dispela join vensa agrimen, PNG gavman na LR Grup bai developim d fam na produsen projek long ILIMO Fam long Sentral Provins na agro-indastri projek long Mo-

robe Provins.

Kabinet o NEC i tokorait pinis long putim dispela tupela projek insait long Pablik invesmen Projek (PIP) bilong gavman long 2014 -2017.

Mista O'Neill i tok NEC i makim projek Tim aninit long siaman na Sif Sekreteri na ol makim maus lain bilong Dipatmen bilong Praim Minista na NEC, Treseri, Nesenel Plening, Atoni- Jenerel, Helt, Agrikalsa na Laip stok, Sentrel na Morobe Provinsal Gavman long wok bung na kamapim dispela tupela projek.

Praim Minista i tok kabinet i tokim Sif Sekreteri na Sentrel Ejensi na Kodineting Komiti long givim bikpela sapot long gavman level long mekim dispela tupela bikpela projek i karim kaikai.

"Agrikalsa em bai helpim laip bilong bikpela populesen long kantri. Planti gavman i toktok long dispela tasol wok i no kamap gut long helpim ol pipel maski i gat planti polisi bilong agrikalsa olsem Agrikalsa Developmen plen na ol arapela. Nogat planti gutpela wok i bin kamap long agrikalsa sekta," Mista

O'Neill i tok.


"Israel em i wol lida long agrikalsa na fud sekyuriti, na LR Grup i go pas long planti bikpela agrikalsa projek long isreal na Wol". Mista O'Neill i tok.

Mista O'Neill i tok em i gat bilip long dispela patnasip projek bai opim dua bilong agrikalsa na bai helpim ikonomi long gro na ol pipel nai kisim gutpela sevis.

Praim Minista i tok Nesenel Gavman bai wok klostu wantaim Sentral na Morobe provinsal gavman long kamapim tupela projek.



Praim Minista Peter O'Neill.



## DIRECT FLIGHTS RABAUL TO CAIRNS!

Our twice weekly direct flights from Rabaul to Cairns are a fantastic option for travellers from the New Guinea Islands region who want the convenience of a non-stop flight to Cairns! Take advantage of these direct flights for a short break or for some early Christmas shopping!!

### OUR SCHEDULE

MON PX032 RAB-CNS 08:20 11:20  
PX031 CNS-RAB 11:50 14:50

FRI PX032 RAB-CNS 08:10 11:10  
PX031 CNS-RAB 12:30 15:30

With connections to and from Kavieng and Hoskins

Call Toll Free on **180 3444** or contact your nearest Air Niugini Travel Centre or Travel Agent for further details.

**Air Niugini**  
www.airniugini.com.pg





# NGO's to sabotage or complement Government initiated projects?

By Mathew Yakai

MY Media & News Agency

**N**ON Government Organizations (NGO) throughout the world play equally important role in nation building. They assist governments in promoting peace while attempting to eradicate poverty, promote gender equality, implement humanitarian exercises and list continues.

To an extreme end, NGO's are used by states to extend their economic and foreign policies. Few for the good cause and common benefits but most for selfish gains' in this anarchic world order.

Whether it is a multi billion dollar corporate agency, a nation state or the infamous Michael Moore, their association with NGO's is inevitable. This is for ulterior motives, despite their moral principals.

In democratic PNG, numerous NGO's, both national and foreign controlled operate for various gains. Most have done remarkable jobs, complementing PNG's Vision 2050. They align their projects inline with the governments Vision to create wealth for the nation.

But some NGO's are attempting to disrupt the nation's development including multi million kina projects initiated by the government for the benefit of the local economy as well as the nations that are creating vast employment opportunities, instigating business opportunities, generating revenue and providing socioeconomic benefits.

One troublesome NGO is Bismarck Ramu Group (BRG) based in Madang. BRG has been attempting to sabotage the US\$1.6 billion Ramu NiCo Project, the only Nickel/Cobalt exporter in PNG. Its previous failed attempt was the deep sea tailing placement (DSTP) litigation. Both the National and Supreme Courts allowed for the Project to proceed on economic grounds but set conditions to avoid any potential environment impacts.

As a genuine investor, MCC-Ramu NiCo is committed to adhere to the conditions while being optimistic that its corporate practice would be inline with PNG's bylaws. In any case, the mining license to operate was initially granted due to Ramu NiCo's competency.

The same NGO is spreading false information on Ramu NiCo Project to Basamuk landowners. BRG's local cohorts who are not qualified in the chemistry of minerals mined and piped through the 135km slurry pipeline from Kurumbukari (KBK) Mine to Basamuk Refinery are telling local villagers that chromite has been piped to Basamuk and is a dangerous substance and would kill if touched.

Two facts remain; first, chromite is NOT piped through the 135km pipeline to Basamuk; and second, chromite is NOT dangerous. Chromite is an abrasive material, having the potential to wear-out the pipeline. If it enters the Basamuk Refinery, it can also affect the machineries. For that reason, it's removed from the slurry at KBK Mine and kept at



Basamuk Landowners have a touch of chromite during their visit to KBK on Wed Oct 9, 2013.

the Packaging Workshop five kilometers from KBK Mine.

The 1,000 square meters chromite packaging area is bounded with cement walls and concrete floor at the thickness of 30cm to hold up to 160,000 tonnes of chromite before packing. The concrete bound and flooring are edged with gutter to stop any run-offs and directed to the sedimentation pond close to the workshop where water samples are tested to identify any presence of hexavalent chromium before releasing into the environment.

This is required under the Chromite Management Sub-plan as per the Operation Environment Management Plan of the Project to monitor the potential impacts on the environment.

The landowners from Mindre village, situated adjacent to Ramu NiCo's Basamuk Refinery Plant took a trip to KBK on Oct Wed 9, 2013 following the NGO's claims to familiarize and understand for themselves the chromite issue as well as to see what is being done at the KBK Mine. The group was led by the Chairman of the Basamuk Landowners Association, Lima Mullung.

Other landowners are Baloi Siwai, Sonny Katu, Dagui Abin and Nicky Bagen. A representative from the Maigari Inland Pipeline, Sam Aimai also accompanied. They were fascinated with many things they saw and commented that when they return to the coast they would notify their fellow villagers that BRG was preaching lies.

For BRG to simply spreading false information to disturb the vital investment promoted and encouraged by the O'Neill-Dion government is not on. Ramu NiCo is currently providing tangible developments with promising future ahead.

BRG is a potential stumbling block for PMIZ

and Maringo Mine as well. These are government endorsed projects and vital for Madang and PNG. The DSTP court challenge with Ramu NiCo and its ongoing campaign against Ramu NiCo signals the NGO's financial and organizational capacity to halt the Project.

BRG is equipped with the potential of running a clandestine operation, unlike other national NGO's, potentially high risk in the country for; a) bogus organizations that just operate to make free money from donor funding agencies in the pretext to serve disadvantaged locals, b) agent organizations for overseas terrorists organizations that may be running clandestine to sabotage or hijack governments plans and development strategies and important economic development plans; and c) agent organizations that vehicles international political propaganda and interests.

BRG Ltd was established in 2000 and registered under the Companies Act with IPA. It sprang out of the former UNDP ICAD project located at Bismarck Range and Ramu Basin in Madang area. When the project wended up, the key Bismarck Ramu Project personnel's decided to continue work in the area with a refined approach so they adopted the name, "Bismarck Ramu" which the local communities are familiar with in order to maintain connection and have easy access to them.

BRG Ltd adopted the mission statement "Land is Life or Graun em Laip" and focused in community empowerment so that communities can be able to make informed decision to protect their customary land.

BRG's campaign strategy is different from other civil society's advocacy approach. It facilitates and pushes the people to the forefront to fight their issues of concern. BRG Ltd focuses on all the major development issues, such as mining, customary land registration,

commercial fishing, logging and oil farm development.

This is the program also directly involved with landowners of the project development areas and all the court cases relating to these issues are initiated and administered under the program.

BRG Ltd's campaigns are focused on Ramu NiCo Mine, Sea Bed Mining, Yandera Gold Mine, RD Tuna's Workers Union, PMIZ, Ramu Oil Palm and Middle Ramu Logging. Some campaign and strategic support have been provided to the Union of Watut River, Turubu communities opposing oil palm development in East Sepik, and Sea Bed Mining in New Guinea Island.

To facilitate these campaign and other programs, BRG Ltd which operates a non-profit entity gets its support from international donor funding agencies include; Inter Church Development Corporation (Dutch funding agency), Rainforest Foundation Norway, Bread For The World (BFTW-German Catholic Funding Agency), EED - a German agency name, The Christensen Fund from Canada, and other anonymous donors in PNG and abroad.

BRG Ltd puts a false face to the people, the government and landowners to be focused in empowering local communities as a grass roots organization, when in fact is a Company known as Bismarck Ramu Group Ltd. It is a private company with individual shareholders who are also Board of Directors. This fact is not known to the local communities and landowners.

Despite the fact that BRG Ltd is registered with PNG IPA, and its shareholders and directors are all nationals, two out of the three external board members are expatriates. BRG Ltd is backed by expatriate academics who act as its "think tanks" and its overall technical advisor is an American war veteran residing at Jais Aben.

The locals who are used in BRG's programs are mostly villagers from areas where the major projects are stationed. BRG takes advantages of their poor education level and understanding of the importance of projects importance.

BRG Ltd is obviously an organization driven by foreign motives, with no national interests. All BRG attempts are to sabotage Projects of national importance and PNG's prosperity. Dissemination of false information that can potentially damage Ramu NiCo Project is morally wrong and ethically unbecoming.

It is indeed shameful when many know who is behind BRG Ltd! Their actions are repugnant to general principal of humanity and against O'Neill-Dion government policies to promote investment and further generate wealth for the nation.

*Note: The views expressed here are solely those of the author (MY Media & News Agency) and do not necessarily reflect those of the organization that the author works for or of any other organizations. For comments, text him on: 70747450*

## Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisani o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

**Ol dispela namba i soim klia mak bilong wok mipela i pinisim:**

- Moa long 4.5 bilian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

**Wanpela  
Ramu NiCo,  
Wanpela  
Komyuniti'**



# Fiji na PNG bai wok bung long egrikalsa

PNG na Fiji i ken wok wantaim nau long kamapim gut egrikalsa na risets developmen long tupela kantri.

Dispela wok bung bai kamap bi-hain long tupela kantri i bin sainim wanpela Memorandum ov Andas-tending (MOU) long Desemba las yia.

Dispela MOU bai kamapim na strongim wok bung namel long Fiji na PNG na ol i ken kamapim moa risets wok long kaikai, sekyuriti bilong kaikai, iekonomik developmen na rikavari.

Gavman bilong Fiji i bin givim wok long Egrikalsa Ministri bilong em long kamapim ol wok ekstensen, edukesen, wok sekim, risets na ol wok moa olsem long kamapim gut egrikalsa sekta, na em i ken kamapim moa kaikai, fud sekyuriti, iekonomik developmen na rikavari.

Wok bilong NARI em long kari-maut ol risets wok i sut long egrikalsa na moa yet, long helpim ol rurel fama na rurel developmen long PNG.

NARI i laik promotim wok patna na wok bung wantaim Fiji long ol kain eria bilong egrikalsa na em i

bilip olsem dispela kain wok bung bai kamapim ol gutpela samting long helpim tupela kantri wantaim. Minista bilong Egrikalsa Long taim bilong sainim MOU, Ministri long Fiji, Inia Seruiratu, i bin tok egrikalsa long Fiji i ken kamapim ol bikpela samting, tasol ol no gat gutpela wok risets.

Em i tok ol narapela ogenaisesen long Fiji i mekim ol risets wok, tasol Fiji i mas painim na wok wantaim ol institusen na em i ken serim ol save, teknoloji na ol gutpela prek-tis.

Sampela long ol eria we tupela kantri bai kamapim aninit long MOU em long; Dvelopim na go hetim ol spesel projek long join praioriti eria, makim wanpela fultaim kodineta na narapela long kisim ples taim ol fultaim man i no stap, Go insait long ol wok bilong menesim, yusim na kamapim gut ol plent na enimal jenetik risos na go hetim ol teknikal eksens program olsem wok long glasim na skelim ol kemikol, pest na sik tes, na ol arapela samting moa olsem, go insait long ol wok developmen, serim na yusim ol egrikalsa infomesen sistem na sampela moa.



MANUS: Ol opisa bilong NARI i soim ol fama long Manus Ailan long ol nupela faming skil i ken helpim ol long fud na nutrisen sekyuriti. **Poto: NARIFAIL PIKSA**

## Singaut long wok bung wantaim NARI

SINGAUT i go long ol komyuniti, ol lokal level gavman (LLG) na ol Di-patmen bilong Laipstok na Praimeri Indastri (DPI) long wok wantaim Nesenel Egrikalsa Risets Institut (NARI) long lukluk na stretim ol hevi long kaikai na nutrisen sekyuriti.

NARI i gat ol nupela teknoloji o ol nupela samting i ken helpim ol komyuniti i bungim hevi long sot long kaikai.

Tim lida bilong NARI, Dokta Aki-napally Ramakrishnai tok olsem bi-hain long ol ripot long draut o bikpela san tumas i bagarapim ol kaikai i kamap long Misima Ailan, na pipel i bungim hevi long kaikai i sot.

Dokta Ramakrishna i tok aninit long NARI hevi long bikpela san projek, ol i luksave long ol gaden kaikai na laipstok ol komyuniti olsem i ken planim na lukautim.

Em i tok ol komyuniti i bungim salens o hevi long kain samting olsem long Misima i ken kisim gutpela samting long ol nupela teknoloji ol saientifik risets na save we NARI i kamapim long en.

Taim NARI i laik helpim, Dokta Ramakrishna i tok ol komyuniti na provinsal gavman i mas wok bung wantaim NARI na givim sapot, moa yet long helpim bilong trenspot.

Em i tok NARI i gat sampela ol nupela teknoloji we ol i ken yusim long ol liklik ailan na dispela em sampela kain banana we i ken groa long ples i gat sol long en, ol swit poteto o kaukau we i save redi hariap long ol stretpela ples i no gat maunten long bikples na nambis eria, ol kain taro, tapiok na ol Afrika

yam na ol yam bilong Milen Be bilong ol stretpela eria long bikples. NARI i promotim ol dispela gaden kaikai wantaim rais, kon, soi bin na mung bin.

Dokta Ramakrishna i tok i gat ol kain rot bilong faming ol i luksave pinis bihain long ol wok risets long ol narapela liklik atoll ailan we i ken wok gut long Misima Ailan.

Em i tok ol narapela rot bilong faming inap wok gut long ol liklik ailan long stopim sot long kaikai, em long bungim ol pipia na larim i sting na yusim long gaden olsem fetelaisa o marasin bilong graun, rop na wasa pam long kisim wara olsem irigesen na ol haus lain i ken yusim, krop rotesen o planim narapela krop long kisim ples bilong narapela taim wanpela i redi pinis, larim graun i kamap bus long sampela yia bipo long wokim gaden gen, na rot bilong kamapim ol kaikai prodak wantaim ol samting yumi gat long en, na putim ol gut long yusim bihain.





Dokta Ramakrishna i tok NARI i wok wantaim ol komyuniti long strongim fud o kaikai na nutrisen sekyuriti long ol eria na komyuniti bilong ol.


Na sapos ol i gat sampela wari, i moabeta ol i go long ol rijonal senta o draut projek tim long NARI Hailans rijonal senta, Aiyura long lsten Hailans.

Long wankain taim, NARI i luksave long hevi bikpela san i kamapim long Long Ailan na Manam, Madang Provins na em bai givim helpim i go long ol dispela komyuniti.

### Fact about eggs


- Eggs are naturally high in protein.
- Eggs have less than 2 grams saturated fat.
- Eggs are source of 11 vitamins and Minerals.
- They are a good source of vitamin B12 which may be lacking in vegetarian diets.
- Eggs are a source of Iron.
- Eggs are an ideal food alternative to meat.
- Eggs are very economical and highly nutritious.





**BAIM PNG MADE NA KAMAPIM MOA WOK**





# PNGRFL helpim man husat i bin helpim PNGRFL

PAPUA Niugini Ragbi Futbal Lig (PNGRFL), wantaim ol Kwinslan Kap PNG tim, ol SP Hunter, i givim wanpela sek mani inap long K5000 i go long Tinerau famili long helpim David Tinerau long baim marasin na haus sik. David Tinerau em i bin wanpela bikman long PNGRFL bipo. Em i bin Nesenel Siamer bilong ol selekta.

David i bin sik long las yia na famili bilong em i lukim olsem em i no inap orait sapos em i stap hia long Papua Niugini. Long dispela as, famili bilong em i laik salim em i go long Singapo long kisim gutpela tritmen.

"Em i no bin isi long pasim tok long salim papa bilong mipela i go long Singapo long kisim medikol tritmen," Linston Tinerau, pikinini man bilong David Tinerau i tok.

Linston i tok tenkyu long Sif Eksekutiv Opisa (CEO) bilong PNGRFL, Brad Tassell long go pas long fan reising long Desemba las yia, na sapatim famili bilong David Tinerau.

Long dispela fan reising, famili bilong David Tinerau i bin lukim bikpela sapat tru i kam long PNGRFL na tu ol SP Hunter. Kosa bilong ol SP Hunter Michael Marum i bin stap long dispela kaikai na tu

ol pilaia wantaim ol arapela wokman na meri bilong PNGRFL.

Mista Tassel i tok, David Tinerau em wanpela man husat i bin mekim bikpela wok bilong PNGRFL na sapos mipela i no soim wanpela helpim na sapat, em i no gutpela pasin.

"David Tinerau i bin helpim wok bilong ragbi lig insait long dispela kantri na long dispela as, mipela i soim sapat bilong mipela. Na mipela bai soim sapat tu i go long ol arapela manmeri na ol kampani husat i save sapatim wok bilong mipela." Mista Tassell i tok.

## GOC tok 2014 em eksen yia

Isaac Liri i raitim

GEMS Ogenaising Komiti (GOC) bilong 2015 Pasifik Gems i kamapim plen bilong ol pinis long redi long dispela tu wik pilai bai i kamap long Julai neks yia.

Siameri bilong GOC, Emma Waiwai, i tok dispela yia em i impoten, long wanem, em i las yia bipo long gem i stat, na GOC i kolim dispela yia em eksen yia (Call of Action Year).

"2014 em i yia bilong plen-ing, na GOC bai traim long mekim olgeta samting. Taim 2015 i kamap, GOC i laik lukim olsem olgeta samting i redi," Misis Waiwai i tok.

Long Februari, GOC bai tokaut long ol wina bilong Maskot resis, na tu, wina bilong man o meri husat i mekim disain bilong dispela maskot.

Ol 5-pela skul husat i bin kwalifai na stap insait long las resis em, Tubusereia Praimeri Skul long Sentral Provins, Pot Mosbi Intenesenal Skul long NCD, Daigul SDA Komyuniti Skul long

Madang, Holi Trinita Demonstresen Skul long Maun Hagen na Sekunkun Praimeri Skul long Nu Ailan Provins.

Pasifik Kaunsil Eksekutiv Miting bai i kamap long Pot Mosbi long mun Februari tu. Dispela miting em i impoten long wanem, ol representiv bilong ol arapela Pasifik kantri bai kam long lukim sapos olgeta samting i stret bipo long ol i kam pilai.

Long mun Mas, wanpela spot miting bai kamap. Dispela miting bai lukim olgeta teknikal dairekta bilong olgeta Intenesenal Federesen i kam long Mosbi na lukim ol veniu bilong pilai.

Long namel bilong yia, GOC bai i tokaut long ol kontrakta husat bai helpim ol long opening na klosing seremoni, na tu long ol arapela program olsem Gems Rilei.

"Dispela ol kontrakta husat bai helpim mipela long ol dispela seremoni i impoten, long wanem, ol bai mekim, na ol pipel i pilim tru spirit bilong ol gem," Misis Waiwai i tok.

Long Julai, Pasifik Gems

Jenerel Asembli bai kamap. Dispela miting bai lukim ol bikman bilong wan wan Pasifik kantri i kam bung, na tok-tok moa long ol samting bilong dispela Gem.

Na tu, long Julai, GOC bai i salim wanpela obseva tim i go long Glasgow Komonwelt Gems long kisim sampela tingting na save long oge-naisim ol gem.

"Dispela em i impoten long wanem, sapos GOC i kisim sampela gutpela tingting long we bilong oge-naisim ol spot ektiviti, 2015 Pasifik Gems bai kamap wanpela ivent we ol manmeri bilong Papua Niugini i no inap lusim tingting long en." Misis Waiwai i tok.

Long Septemba, GOC bai ranim voluntia program bilong ol. Long dispela ol program, ol i laik kisim inap long 3 o 4 tausen voluntia long helpim ol.

Tiketing program bai kamap long Oktoba, na tu ol arapela program.

GOC bai i tokaut sapos i gat ol nupela sponsa i kam helpim bihain liklik long dispela yia.



CEO bilong PNGRFL Brad Tassell i givim sek mani i go long Linston Tinerau.

## Digicel bai sapatim ol Hanta

SIF Eksekutiv Opisa (CEO) bilong Papua Niugini Ragbi Lig (PNGRFL) Brad Tassell i tokaut long dispela wik olsem Digicel bai i stap olsem wanpela sponsa bilong ol PNG Hanta.

Mista Tassell i tok dispela sapat bilong Digicel em i gutpela tru, na agrimen bai i stap inap long tripela yia.

"Digicel em i wanpela bikpela kampani insait long kantri, na taim ol i tokaut olsem bai ol i sapatim ol PNG Hanta, mipela i amamas tru," Mista Tassell i tok.

Digicel i save sapatim ol

arapela ragbi lig kompetisen insait long kantri tu olsem Digicel Kap. Na PNGRFL wantaim ol PNG Hanta i laikim tru dispela sapat long stap, na bai ol i mekim olgeta samting long pawa bilong ol, long strongim dispela sapat.

Mista Tassell i tok i gat planti ol kampani tu, husat i gat bikpela laik long stap olsem sponsa bilong ol PNG Hanta.

"Long ol wik i kam, bai mipela toksave moa long ol arapela kampani husat bai i sapatim mipela. Ol PNG Hanta i gat sampela moa

spes bilong ol sponsa, long sait bilong ol jesi, na tu, ol trening yunifom."

"Na ol kampani husat i gat laik long givim sapat, plis toksave long klap," Mista Tassell i tok.

CEO bilong Digicel, John Mangos, i tok Digicel em i amamas long sapatim ragbi lig insait long kantri.

"Taim mipela i bin stat long sapatim ragbi lig long 2011, mipela i pilim olsem mipela i givim bikpela helpim long ragbi lig, na mipela i amamas long dispela," Mista Mangos i tok.

## Gutpela program i ken strongim ragbi long PNG

Isaac Liri i raitim

LONG ragbi lig, ol Kumul i pundaun long wol renking, tasol opisal renking i no kamap yet, na Papua Niugini Ragbi Futbal Lig (PNGRFL) i wet tasol i stap.

PNGRFL i luksave long dispela olsem na i wok long kamapim ol program long strongim ragbi lig.

Ol program i stap nau em Kwinslan Kap, Nesenel Skul Bois Developmen, Talen Aidentifikesen Trening, na nesenel kompetisen olsem Digicel Kap.

Dispela ol program i stap long strongim ragbi lig long nau na long taim bihain.

Ol kosa, trena na ol referi i gat ol trening program bilong ol tu.

Hai Pefomens Program bilong ol Kumul em i narapela program tu we PNGRFL yet i kamapim, long strongim ol ragbi pilaia long



CEO bilong PNGRFL, Brad Tassell, na Kosa bilong ol PNG Kumul, Mal Meninga. Tupela i toktok long ol program ol i kamap wantaim long strongim ragbi lig long Papua Niugini. **Poto Nicky Bernard**

stap gut olsem ol pilaia insait na autsait long fil.

Taim dispela Hai Pefomens Program i bin stat long las yia, dispela program i bin lukim olsem planti ol pilaia i ken pilai, tasol, ol i no gat gutpela disiplin.

Sif Eksekutiv Opisa (CEO) bilong PNGRFL Brad Tassell i tokaut las wik olsem PNGRFL i gat

bikpela tingting olsem ol dispela program bai i strongim ragbi lig long kantri.

Mista Tassell i laikim ol sponsa, na tu, ol manmeri bilong dispela kantri long sapatim ol dispela program.

"Sapos mipela i kisim sapat long ol arapela, ol program bai i karim kaikai," Mista Tassell i tok.



Siameri bilong Gems Ogenaising Komiti, Emma Waiwai, na Sif Eksekutiv Opisa, Peter Stewart, i toktok long plen bilong ol long dispela yia.



# Soka long Bogenvil i strong yet

Isaac Liri i raitim

**S**OKA em i wanpela spot we i bikpela tru long Atonomos Rijon bilong Bogenvil. Long wan wan liklik ples insait long ol distrik, bai yu lukim olsem i gat ol soka tim i stap. Man na meri wantaim insait long Bogenvil i save pilai soka.

Long 2012 PNG Grasrut gems long Kokopo, Bogenvil soka tim bilong ol man i bin pilai gut tru na go insait long semi fainel, tasol ol mangi Milen Be i bin strong tumas, na autim ol. Bogenvil i bin pinis namba foa long lata.

Soka tu i save mekim ol man-meri insait long ol komyuniti long Bogenvil i stap wantaim bel isi na amamas. Na Atonomos Rijon Gavman i luksave long gutpela bilong soka, na ol i save sapotim.

Long las wik taim Wantok Niuspepa i bungim Presiden bilong Bogenvil Soka, Joe Maineke, Mista Maineke i tok soka em i wanpela bikpela samting long Bogenvil, long wanem, em i save bringim ol pipel i kam stap wantaim olsem famili, na tu, em i save kamapim developen long rijon.

Wanpela eksampel em long nupela soka akedemi long Bogenvil. Dispela soka akedemi bai i kamap long ples Manetai long Sentral Bogenvil. Na long nau Bogenvil Soka Faundesen i wok long stretim ol pepa wok wantaim ol papa na mama graun bilong Manetai.

"Bihain long mipela i stretim olgeta pepa wok, sampela moa mani long kamapim dispela akedemi bai i kam long FIFA, na mipela long Bogenvil Soka Faundesen tu bai i go het wantaim ol wok long sapotim soka akedemi." Mista Maineke i tok

Mista Maineke i tok Bogenvil Soka Faundesen i gat wanpela 5 yia plen we ol yet i kamapim.

Long dispela 5 yia plen, Bogenvil Soka Faundesen bai i lukluk long strongim ol pilaia. Bai ol i kisim ol top pilaia long stap insait long akedemi na bihain bai ol i salim ol long ol klap bilong Nesanel Soka Lig (NSL), na tu, long ol arapela soka asosiesen long Pasifik na long wol.

"Long dispela yia, Bogenvil Soka Faundesen bai i salim sampela ol lokel pilaia bilong ol i kam long Pot Mosbi long pilai wantaim ol soka klap bilong Pot Mosbi Soka Asosiesen," Mista Maineke i tok.

Mista Maineke i tok dispela i gutpela long wanem, em bai i givim sans long ol soka pilaia bilong ol rurel eria bilong Bogenvil long kisim liklik ekspiens long pilai autsait long ples bilong ol.

"Ol dispela pilaia husat i kam pilai autsait bai i gat sans long ol NSL klap i selektim ol."

"I gat planti gutpela pilaia husat i stap long ol rurel eria, na long 5 yia plen bilong mipela, bai mipela i helpim ol long kamap ol strongpela soka pilaia, na kisim luksave long talen ol i gat," Mista Maineke i tok.

### MA Kap

Memba Asosiesen Kap (MA Kap), em i wanpela bikpela soka tonamen i save kamap long Bogenvil. Na Bogenvil Soka Faundesen i save go pas long ogenaism dispela tonamen.

Long las yia, dispela tonamen i bin kamap long Arawa, na tonamen i bin lukim 34 tim i kam long olgeta hap bilong Bogenvil, stat long Buka, na pinisim long Buin. Insait long dispela 34 tim, i bin gat 10-pela tim bilong ol meri divisen.

Mista Maineke i tok, long dispela tonamen, Bogenvil Soka Faundesen i save kisim ol top pilaia bilong Bogenvil na putim ol long Bogenvil soka skwat.

MA kap bai i kamap long dispela yia gen, na long dispela yia, em bai kamap long Buka. Ol wina bilong MA kap long las yia em Arawa Soka Asosiesen.

Bogenvil Soka Asosiesen i save go pas long painim mani bilong ogenaism MA kap.

Soka tim bilong Bogenvil long pilai long ol PNG Gem long Lae long dispela yia i redi pinis, tasol, Bogenvil Soka Faundesen i wok long wetim sampela moa sponsa.



Ol i kisim poto na redi long go pilai long fil.



Reperi na ol lain man.

Trening em i wanpela bikpela samting insait long 5 yia plen bilong Bogenvil Soka Asosiesen.

Tupela tim i sanap long lain na redi long pilai.

Ol komiti i holim wanpela soka miting.



Tim Lamana soim nupela yunifom bilong ol stap insait long nokaut long dispela wiken.



# OI spot eksen poto long wiken...

OI Poto Nicky Bernard.

Gol suta bilong Pro Clean i redi long salim bal long pilai bilong em tasol Gol kipa bilong Datec i putim was gut stret. Dispela em las pela pilai bilong ol Praivet Kampani Netbal na ol bai go insait long nokaut long dispela wiken long Mosbi.



**PAIA WOKS MAN:** Yiannis Nicolai i sanap wantaim pikinini meri bilong em Konstantia husat i kam malolo long PNG, na kisim sans long pilai wantaim tim bilong papa bilong em, Lamana tim long Praivet Netbal Kompetisen. Pikinini meri bilong em i save skul long Australia na tu em i save pilai long wanpela strongpela netbal tim long Australia. Taim em i save kam malolo long PNG em i save pilai, tasol long wiken go pinis, em namba wan taim gen i pilai wantaim tim bilong papa bilong em.



Sofbal eksen namel long Yokomo na Yunaitet Bradas long Bisini long Mosbi. Ol bin kisim tripelawik malolo na nau ol i strong long kam bek na ol mekim planti das long Bisini.

**TOKSAVE:** Salim ol spots dro bilong yu kam long Feks; 325 2579, e-mel;[bveo@wantok.com.pg](mailto:bveo@wantok.com.pg) o kam lusim long Wantok Niuspepa opis long Able Building Complex long Central Waigani, NCD.





*Moa oil na meat insait*



(L-R) CEO bilong PNGRFL, Brad Tassell, Kosa bilong ol Kumul, Mal Meninga, Siaman bilong PNGRFL, Sandis Tsaka, na Siaman bilong PNG Spot Faundesen, Graham Osbourne.  
*Poto Nicky Bernard*

## PNG mas stap long top 4

Isaac Liri i raitim

yet long renking tru bilong ol Kumul.

Mista Meninga i tok, astingting bilong em olsem kosa, em long lukim olsem olgeta nesanel na intenesanel ragbi lig program i ran gut tasol. Em i tok long neks ragbi lig wol kap long 2017, PNG Kumul bai i stap long top foa.

"Em i no isi long stap in-

sait long top foa long wanem, ragbi lig i wok long kamap bikpela long ol arapela kantri, na dispela i mekim kompetisen i bikpela tru. Sapos Papua Niugini i laik stap olsem wanpela strongpela ragbi lig kantri, olgeta manmeri i mas wok bung wantaim gutpela tingting." Mista Meninga i tok.

Long wanpela ragbi lig konprens long las wik, PNGRFL i tokaut olsem, long dispela yia 2014 i go inap 2017, ol bai mekim olgeta samting ol i ken long kisim gutpela risal. Na PNGRFL i gat strongpela tingting olsem Mal Meninga i rait man long stap olsem kosa bilong ol Kumul, na strongim ragbi lig insait

long kantri.

Mista Meninga em i kosa bilong ol Kwinslan Maruntu, tasol em i tok stap olsem kosa bilong dispela tupela tim i no wanpela bikpela wok. Em i gat bikpela laik long stap olsem kosa bilong ol Kumul na helpim PNGRFL.

Siaman bilong PNGRFL, Sandis Tsaka, i tok em i

amamas long helpim bilong Meninga. Em i tok sapos Meninga i stap olsem kosa bilong ol Kumul, bai em i bringim planti gutpela samting i kam long kantri, long wanem, em i gat bikpela luksave long ragbi lig, na tu, em i gat planti ekspiriens long serim wantaim ol ragbi lig pilaia bilong nau na taim bihain.

# Johnston's Pharmacies Ltd

## Baby Products



Bouncing net



Sensi baby nappies





Heinz baby food



Sensi baby nappies

P.O. Box 1066 Boroko  
 Phone: 325 3185, Fax: 325 0190  
 Email: sales@johnstons.com.pg